

Gospel of

John

in Navajo



Gospel of

John

in Navajo

PREVIEW ONLY

PREVIEW ONLY

Gospel of John in Navajo

Navajo Bible © 2000 American Bible Society. All rights reserved. Bible text from the Navajo Bible is not to be reproduced in copies or otherwise by any means except as permitted in writing by American Bible Society, 101 North Independence Mall East, Floor 8, Philadelphia, PA 19106-2155 (www.americanbible.org).

Printed in the United States

JOHN 1

Saad jíłínii éí diné dzizlǫ́í'

¹Hodeeyáadi Saad jíłǫ́, Saad éí Diyin God bił hojǫ́lǫ́, índa Saad éí Diyin God jíłǫ́. ²T'áá éí hodeeyáadi Diyin God bił hojǫ́lǫ́; ³éí t'áá altsoní ájiilaa, índa dahólónígíí t'áálá'í nidi t'áá hádingo t'áadoo ła' ályaa da.

⁴Iná hwii' hólǫ́, áko éí iinánígíí nihokáá' dine'é bá bee adinídíín. ⁵Éí adinídínígíí chahalheel góne' adííndíín, áko chahalheel doo bidéélníí da.

⁶Diné léi' John

wolyéego Diyin God biníł'a'. ⁷Adinídíín hwee bééhodoozǫ́ł biniyé jiníyá, adinídíín nílíinii baa ch'íhozhdoó'áalǫ́, diné t'áá altso hanahǫ́ł da'iidoodłǫ́ł biniyé. ⁸Hó éí doo adinídíín jíłǫ́ da, nidi adinídíín t'óó baa ch'íhozhdoó'áal biniyé ho'deel'a'.

⁹Adinídíín t'áá aaniinii éí diné ts'idá t'áá altso bá azhdiníłdíín doogo nahasdzáán bikáa'ǫ́ł' jiníyá; ¹⁰nihokáá' nijigháa nít'éé', áádóó hwee nahasdzáán hazlǫ́ł', nidi nihokáá' dine'é t'áadoo hwéédahoosǫ́ł da; ¹¹t'áá hóhígíí baazhniyá, nidi t'áá hó hadine'é doo dahoniizǫ́ł da. ¹²Nidi t'áá háiida bíí' jidooleelǫ́ yee lá asǫ́ł'ígíí éí házhi' yee hózhíigo hoodłǫ́ǫ́ haa dzólííí éí Diyin God ba'álchíní dooleelǫ́ bee óhólnííh baazhdini'á. ¹³Éí doo dił bits'áádóó nidahaazhchǫ́ł da, doo nidi ats'íís yinízinii bik'ehgo da, doo nidi diné ínínízinii bik'ehgo da, nidi Diyin God bits'áádóó nidahaazhchǫ́ł.

¹⁴Saadígíí éí diné dzizlǫ́ǫ́, áádóó ajooba' áádóó t'áa aaníinii hwii' hadeezbingo nihitahgóó kééhojit'ǫ́ nít'ée'; aTaa' nilíinii t'áá'á'í bá yizhchínígíí yee ayóó át'éei bee ayóó ájit'éhígíí daníil'ǫ́. ¹⁵John haa ch'ihoní'áago yéego haadzii'go áni, Kót'éego haa haaszii'ii éí díí hó ájit'ǫ́, Shikéédéé' náájoodáanii éí shiláahgo ájit'é, háála t'áa shítséedi hojiló. ¹⁶Hwee ajooba' doo nídínéeshgóó hwii' hólóonii t'áa ániiltso nihił k'ee'aa nídíłzhishgo nihee nídahoodleel. ¹⁷Háála bee haz'áanii éí Mózes binahjí' aa deet'á, nidi ajooba' índa t'áa aaníinii éí Jesus Christ binahjí' nihee hazlǫ́ǫ́. ¹⁸Diné ła'da hádaą'da doo Diyin God yiyiiltsáą da; biYe' t'áá'á'í bá yizhchínígíí éí aTaa' nilíinii ádiyólta'ii, éí t'éiyá ájit'éegi haa ch'ihoní'á.

John Tó Yee Asǫ́hii nahalne'

(Mt. 3:1-12; Mk. 1:1-8; Lk. 3:1-18)

¹⁹Jew dine'é éí náada'iihiihii índa Líivai dine'é ła' Jerúsalemdóó John yich'í' ada'as'a'go, Háishaą' ánit'í? daaníigo nidahódeélkid yéedáą', kót'éego John ch'ihoní'á. ²⁰Shí doo Christ ásht'ǫ́ da, níigo t'áadoo nahont'ini, t'áa aanígóó ádaa hoolne'. ²¹Áko nináadahódeélkid, Ákoshą' hái ánit'í? Da' Iiláijahášh ánit'í? Áko ázhdíiniid, Doo éí ásht'ǫ́ da. Áádóó nináadahódeélkidgo ádaani, Diyin God yá halne'ii yígháhígíí, éí daats'í ánit'í? Áko, Dooda, náazhdoo'niid. ²²Ákohgo índa ánáadahodoo'niid, Ákoshą' ts'idá hái ánit'í? Bee nihił hólne', áko nidanihił'a'ígíí bee bił nídahodiilnih. Ts'idá ha'át'ii diniigo ádaa ch'ihonít'aah? ²³Áádóó ázhdíiniid,

Bóhólníihii bá honít'í'ii k'éhézdongo ádaahlééh,
níigo ła' honoojídii yéego áníngíí biinéé' nishłí,
t'áá Diyin God yá halne'ii Aizéyah ádíniidígi át'éego.

²⁴Áko éi Férissii danilíinii bits'áádeé' nidabi'diis'a'go,
²⁵nidahódéélkidgo ádaháńi, Christ, doodaii' Iiláijah,
doodaii' Diyin God yá halne'ii doo níłígóo áldó',
ha'át'éegoshą' áko tó bee ísłłh? ²⁶John hanáánaádzi'go
áhodíniid, Shí lá éi tó bee asłłh ni, nidi ła' akóo nihitah
dzizínígíí, doo hwéedahonohsin daígíí, ²⁷t'áá éi
shikéedeé' náajoodáál, éi hakétl'óol k'e'deesh'algi doo
bąąh nishłł da. ²⁸Díi Jórdan tooh wónaanídi, Béthanii
hoolyéedi, John tó yee da'íisł'igi ahóót'íid.

Diyin God biDibé Yázhi jíłíinii

²⁹Náabiiskání John, éi Jesus hach'í' yigáalgo jíłłtsá, áko
ázhdíniid, Jó'akon, Diyin God biDibé Yázhi jíłíinii
dahonól'í, éi nihokáá' dine'é bibąąhági át'éii
yóo'iidii'aahii jíłł! ³⁰Díi kódišniiigo haa hweeshne'ígíí
ájít'í, Shikéedeé' díne' ła' t'áá shiláahgo át'éii
náánaádaál, háálá hó éi shítséedi hojíłł. ³¹Shí nidi doo
hwééhasin da nít'éé', nidi Ízrel dine'é bich'í' yit'íni
í'dizhdoolníł biniyé tó bee asłłhgo níyá. ³²Áko John
haa ch'íhoni'ąągo áńi, Yádilłł biyi'déé' Nılch'i Diyinii
hasbídi nahalingo hak'ijj' bidah hooleelgo yilłtsá, áko
t'áá ákwii dah neezdá. ³³Shí nidi doo hwééhasin da
nít'éé', nidi Diyin God éi tó bee asłłh doo biniyé
shinł'a'ígíí áshidíniid, T'áá Nılch'i Diyinii hak'ijj'
bidah hooleelgo t'áá ákwii hak'i hoole'go
hwiinłłtsánígíí, t'áá éi Nılch'i Diyinii bee adzisłłh doo.

³⁴Áko t'áá shí yíiltsá, áádóo baa ch'ihoní'áago ádíshní, Díi Diyin God biYe' át'íí lá.

Ts'ídá átsé ihool'aahii dzizlí'ii

³⁵Náabiiskání John hóhool'aahígíí nidilt'éego bił nináadadzisdzǵ, ³⁶áko Jesus yigáałgo jinéel'íí'go ázhdíiniid, Jó'akon, Diyin God biDibé Yázhi jíliinii honó'í! ³⁷Nít'éé' hóhool'aahii ázhdíiniidígíí yidiizts'áa'go t'áá álah Jesus yikéé' dah dii'áázh.

³⁸Nít'éé' Jesus názyizgo bikéé' joo'ashgo hooltsáago áhodíiniid, Ha'át'íishá' hanohtá? Áko ábizhdíiniid, Rábai (éi Na'nitini jinigo óolyé), háadishá' kééhót'í?

³⁹Áko áhodíiniid, Tǵ' ákóó, t'áá nihí hwiidooltséel. Áádóo bił níjkaigo sidáadi hojiiłtsá, áadi bił nidziiztáago hwee ada'az'á (híłch'ǵ'go hanii shíí).

⁴⁰Nizhdilt'éego John yáłti'go jidiizts'áa'go t'áá áko Jesus bikéé' dashdii'ázhígíí éi la' Andrew át'ǵ, Sáiman Peter yil háá'áázh. ⁴¹Éi yil háá'áázh Sáiman wolyéhígíí áłtsé bik'izhníyáago ábizhdíiniid, Mesáiyah bik'íniit'áázh (éi Christ jinigo óolyé). ⁴²Áádóo Andrew éi bił hajíí'áázh Jesus bich'ǵ' bił jiní'áázh, áko Jesus honéel'íí'go áhodíiniid, Jó, Sáiman, John biye' ánít'íí lá. Síifas yinlyée doo (éi Peter áldó' wolyé, éi tsé jinigo óolyé).

Philip áádóo Natháneiyel bíká áhodoo'niid

⁴³Náabiiskání Jesus éi Gáliliigóo deesháál niizǵí'. Áko áadi Philip bik'izhníyáago ábizhdíiniid, Shikéé' yináál.

⁴⁴Kin haal'á Bethséyida hoolyéedóo Philip naaghá, Andrew áádóo Peter áldó' t'áá áádóo naa'aash. ⁴⁵Philip éi Natháneiyel bik'izhníyáago ábizhdíiniid, Bee

haz'áanii biyi' Mózes yee ak'e'ashchínígíí ında Diyin God yá dahalne'ii áldó' yee ak'eda'ashchíjgo yaa dahoolne'ígíí bik'íniikai, éi Názareshdóó Jesus, Jóseph biye' jíliinii ájít'íí lá. ⁴⁶Nít'ée' Natháneiyel áhodíiniid, Da' Názareshdóó ha'át'íhída yá'át'éehiish t'áa hodooleel? Áko Philip áhodíiniid, Tí', t'áa ni nít' béehodoozjíl. ⁴⁷Nít'ée' Jesus éi Natháneiyel hach'í' yigáaigo jiiłtsáago ábijini, Jó'akon, dahonól'í, eii t'áa aaníí Ízrel dine'é la', anót'ááh bii' ádinii niljíl lá! ⁴⁸Natháneiyel áhodíiniid, Hait'égosha' shéehonísín? Jesus hanáánaádzíi'go áháłní, T'ah doo Philip hágo nít'niih yéędą́' fig sikaadii biyaagi sínidáago nít'sá. ⁴⁹Natháneiyel ánaáhodoo'niid, Na'nitini, Diyin God biYe' niljíl lá! Ízrel dine'é Aláahgo biNanit'a'í niljíl lá! ⁵⁰Áko Jesus hach'í' hanáánaádzíi'go áhodíiniid, Fig sikaadii biyaagi sínidáago nít'sá nidíiniidígíish baą shiisínidłađ? Díi t'ah biláhigo ádaat'éii yidiłtséel. ⁵¹Áadóó ánaáhodoo'niid, T'áa aaníí, t'áa aanígóó ándishní, Yádilhil ą́ áł'éeego, ında Diné Siljíl'ii bich'í' Diyin God bidiyigo nidaal'a'í dego áadóó yaago ałnákahgo yidiłtséel.

JOHN 2

Kéinadi iigeh

¹Nít'ée' táa' yiskáago kéyah Gálilii biyi' Kéina kin siniligi iigeh lá, áko Jesus bimá ákwii nijighá; ²Jesus ında bídahool'aahii iigehjíl' hágo bi'doo'niid. ³Nít'ée' wáin ásdjįdgo, Jesus bimá ábidíiniid, Wáin bee ádaasdjįd. ⁴Áko Jesus bimá áyidiíniid, Ásdzání, shíish

haa shidííliilgo shaa nánít'í? Baa nideeshaalígíí t'ah doo shá baa hoolzhiish da. ⁵Áko hamá éí nidaal'a'ígíí áyidíiniid, T'áá ánihílnínígóó ádaahnííł. ⁶Nít'ée' ákwii Jew dine'é binahagha' bik'ehgo tó bee tá'ádígis biniyé tóshjeeh nitsaii tsé bee ádaalyaaígíí hastáago sinil, naadiin daats'í, doodaii' tádiin daats'í tó yikáát dabíighah. ⁷Nít'ée' Jesus áhodíiniid, Tóshjeeh bii' tó hadadołbin. Áko t'áá dabiđáa'jii' hadazhdééłbiiđ. ⁸Áádóó ánááhodoo'niid, K'ad ła' haohkaahgo bik'ehgo áda'aziiđii baa nohkaah. Áko baa dadzizká. ⁹Áádóó bik'ehgo áda'aziiđii tó wáin ániidíii silí'ígíí yizłih, nít'ée' hazłii' deęé' doo bił bééhózin da (nidi nidaal'a'í tó hadayizkánígíí t'éiyá bił béédahózin), áko bik'ehgo áda'aziiđii adooyehii hágo yidíiniidgo ¹⁰iíłní, Diné ła' wáin yá'át'éhígíí aláqjii' aa dayiikaah łeh, ła'í deidłiihdóó bik'ijii' índa wáin t'áá azłí'ígíí łeh, nidi ni t'éiyá wáin yá'át'éhígíí akéédeęé' aa díikáalgo áásínisiiđ lá. ¹¹Díidi ts'ídá áltséedi Jesus bibee adziilii bee béédahózinii áyiilani át'é, éí kéyah Gálilii biyi' Kéina kin siniligi yaa naayá, áko yee ayóó át'éii íishjáá áyiilaago bídahool'aahii daboosdłaqđgo baa dadzoozłii'.

¹²Áádóó bik'ijii' Kapérniyam

góyaa, hamá áádóó hatsiliké índa hódahool'aahii bił jíkai, áko áadi t'áá díkwíi dahwiiská.

Kin bii' sohodizin nidayiiłchxóqhii ch'íneelkaad

(Mt. 21:12,13; Mk. 11:15-17; Lk. 19:45,46)

¹³Ákohgo Jew dine'é bi'atis'adeesdzá bee bééhániihii

k'adéq̄ baa hoolzhíishgo, Jerúsalem góde Jesus dah diiyá. ¹⁴Kin bii' sohodizin bił haz'áq̄ góne' béégashii áádóó dibé áádóó hasbídí nidayiilniihígíí nida'iilniihgo índa béeso ałgháada'a'nili nidadháaztáq̄go béeso t'áa sahdii ádaat'éhígíí yił ałgháada'a'nilgo bik'ízhnnyá. ¹⁵Áko tł'óól ts'ósi bee atxis ájiilaago kin bii' sohodizin bił haz'ání biyi'dóo diné áádóó dibé índa béégashii t'áa altso ch'ínizhniłkaad, áádóó béeso ałgháada'a'nili bibéeso yajiyiiká, áádóó bikáa'gi ałgháada'a'nil naa'adziistł'íid. ¹⁶Hasbídí nidayiilniihii ábizhdíniid, Díidí ch'ídahohjááh; shiTaa' bikin biyi' góne' t'áadoo na'iinih bá haz'áq̄go ádaat'íni. ¹⁷Nikin t'áa íiyisí baa háq̄h nisingo bineeshdlínígíí t'áa áshidooldiłgo shide át'é, ha'níigo bee ak'e'ashchínígíí hódahool'aahii yéedáálnii'. ¹⁸Áko Jew dine'é hadaaszii'go ádahodíniid, Nóhólníihgo díi inidzaaígíishq̄' ha'át'íi bee bééhózin dooleehii bee nihił bééhodíisijł? ¹⁹Jesus ánaábidoo'niid, Díi kin bii' sohodizin atídaahlééh, áádóó táa' yiskáajj' ninádeesh'áál.

²⁰T'áa áko Jew dine'é ádadíniid, Díi kin bii' sohodizin t'áa álnéehgo dízdíndóo ba'aan hastáq̄h náahai, da' ákoósh táa' yiskáajj' nínáabididííłáál lá? ²¹Nidi t'áa hó hats'íis kin bii' sohodizin át'éego éi ábijini. ²²Éi baq̄ dadziztsáádéq̄' náaho'diilzáago, hódahool'aahii díi bee hadzoodzí'ígíí yéedáálnii', áko Diyin God bizaad bee ak'e'ashchínígíí áádóó Jesus saad bee hadzoodzí'ígíí dayoosdláq̄d.

Diné ádaat'éhígíí t'áa altso Jesus bił bééhózin

²³Atis'adeesdzá bee bééhániihgo hodíłzingo álah ná'ádleehgo Jerúsalemgi nijigháago, habee adziilii bee éedahózinii ájiilaaígíí dayoo'íigo t'óo ahayóí

dahoosdlaḡḡgo haa dadzoozłí', ²⁴nidi Jesus éi t'áadoo haa ádeet'ḡḡ da, háálá diné ádaat'éhígíí t'áá altso hoł bééhózin, ²⁵áádóo t'áá háiida diné ádaat'éeegi yee hoł hodoonihgi doo bee hach'i' anáhóót'i' da, háálá diné ádeinizinígíí Jesus t'áá bí bił bééhózin.

JOHN 3

Jesus áádóo Nikodíímas

¹Ákwe'é Férisii danilíinii bitahdóo diné ła', Nikodíímas joolyéego, Jew dine'é binanit'a'í jíłí. ²Díí diné tł'ée'go Jesus yaa níyáago áyidíiniid, Na' nitiní, Diyin God bits'ḡḡdḡḡ' na' nitinii níłjigo nihil béédahózin, háálá diné ła' Diyin God doo hoł hólóḡḡóo, bibee adziilii bee béédahózinii baa nanináhígíí ch'ééh ázhdoof'jil. ³Jesus áhodíiniid, T'áá aaníí, t'áá aanígóo ándishní, Diné doo náábi'dizhchííḡḡóo, Diyin God bee bóhólníihgo bił haz'áanii ts'ídá doo yooltséel'át'ée da. ⁴Áko Nikodíímas áhodíiniid, Haash yit'éego diné ła' haastihgo náábidi'doochííł? Da' hamá biishch'idish biih nízhdoodaalḡo nááhodi'doochííł? ⁵Jesus ánááhodoo'niid, T'áá aaníí, t'áá aanígóo ándishní, Diné éi tó ında Níłch'i Diyinii doo bee nááho'dizhchííḡḡóo Diyin God bee bóhólníihgo bił haz'áanii doo biih jóya'át'ée da. ⁶Ts'ídá ats'íis bee ho'dizhchíinii éi t'áá ats'íis jíłí ında Níłch'i Diyinii bee ho'dizhchíinii éi t'áá níłch'i jíłí. ⁷Ts'ídá náánidi'doochííł nidishnínígíí t'áadoo bik'ee t'óo nił ahayóí. ⁸Níyol t'áá bí nízingóo níyol, t'óo dinit's'a'go éi dinit's'a', nidi deeyoldḡḡ' ında íiyolḡḡóo éi doo nił

bééhózin da, áko Níłch'i Diyinii bee nidahachíihii áldó t'áá ákódaat'é. ⁹Nikodíímas áhodíiniid, Haash yit'éego díí ákódadooníí? ¹⁰Jesus hach'í' hanáánáadzí'go áhodíiniid, Ízrel dine'é nanítin, da' ákoósh díí doo bik'i'diitíh da? ¹¹T'áá aaníí, t'áá aaníígoó ándishní, Nihí nihíł béédahózinígíí bee hadahiidziih, áadóo daníí'í'ígíí baa dahwiilne', nidi baa dahwiilne'ígíí doo nídadoohléé da. ¹²Nahasdzáán bikáa'gi áhoot'éhígíí bee nił hweeshne' nidi doo yinídláą dago, yá'aąshdi áhoot'éhígíí bee nił hweeshne'go haash yit'éego ált'aą éi yidíídláą? ¹³Yá'aąshgóó doo ła' naayáhí da, t'áá hazhó'ó yá'aąshdéé' hadááyáhígíí, Diné Siljí'ii t'éiyá [t'áá éi yá'aąshdi hojílónígíí]. ¹⁴T'áá honoojiiidi Mózes éi t'iish dah hizhdiilt'e' yéęgi át'éego,

Diné Siljí'ii dah hididoolt'eel, ¹⁵áko t'áá háiida boodláągo baa dzólıhígíí éi [doo ádoodjįł da, nidi] iiná doo ninít'i'ii bee hólóą dooleel.

¹⁶Háálá Diyin God éi nihokáá' dine'é t'áá iyisi ayóó'ájó' níigo baą haYe' t'áálá'í há yizhchínígíí baazhníłtí, áko t'áá háiida boodláągo baa dzólıhígíí éi doo ádoodjįł da, nidi iiná doo ninít'i'ii bee hólóą dooleel. ¹⁷Háálá Diyin God haYe' nilíinii nahasdzáán bikáa'jį' jinił'a'ígíí éi doo nihokáá' dine'é yá nihodiyoo'áál biniyé jinił'a' da, nidi bí bee nihokáá' dine'é yisdádoo'nił biniyé jinił'a'. ¹⁸T'áá háiida boodláągo baa dzólıi éi doo bá nihoot'aą da, nidi doo boodlánígíí éi t'áá íídáą' bá nihoot'aągo át'é, háálá Diyin God haYe' t'áálá'í há yizhchínígíí bízhi' doo bił daniljįgóó t'áadoo dayoosdláąd da. ¹⁹Áko díidí biniinaa diné baa nídahódóot'jįł, jó, adinídíin nilíinii nahasdzáán yikáá' niníyá, nidi doo bił yá'ádaat'ééhgóó chahalheeljí

t'éiyá t'áá íiyisí bił yá'adahoot'ééh, háálá yee ádaaniíhii doo yá'adaashóq da. ²⁰Háálá t'áá ádziltso doo yá'ashóqgóó ádajooníhii éi adinídíín nilíinii dajijoolá, áko doo yit'íni í'dazhdi'doolníłgíí biniyé doo ła' adinídíinjì' ch'ídajikáah da. ²¹Nidi t'áá aanígóó ádajooníhii éi t'éiyá adinídíinjì' nijiikáah, ádajooníłgíí Diyin God bik'ehgo át'éego béehodooził biniyé.

Jesus áádóó John Tó Yee Asíłhii

²²Kódaadzaadóó bik'ijì' Jesus índá hódahool'aahii bił kéyah Judiyadi jíakai, áko t'áá ákwii bił nijikaigo tó bee da'dzisíłh nít'ée'. ²³John aldo' Séilimdóó t'áá áyídígi Ínan hoolyéegi tó yee asíłh nít'ée', ákwe'é tó ła'í hóló éi baą, áko diné álah silíł'go ákwii tó bee dadzíísíł'.

²⁴Háálá íídáą' John t'ah doo yah abi'dilt'e' da.

²⁵John bídahool'aahii ła' índá Jew dine'é nilíinii hodíłzingo táá'ágisígíí biniinaa alghada'dit'áahgo yaa nídiikai. ²⁶Áko John baa jikaigo ádabizhdíiniid, Na'nitini, Jórdan bíłáahdi bił nani'aashgo baa hwíiníłne'ígíí, jó'akon, t'áá éi tó yee asíłhgo diné t'áá altso baa hakáah. ²⁷John haadzii'go áhodíiniid, Diné t'áadoo baa doodił da, t'áá hazhó'ó yá'aashdée' t'éi ba'doodił. ²⁸Shí doo Christ nishłíł da,

nidi t'óó hatsijì' shi'deel'a', dishníigo haasdzií'ii, t'áá nihí shá nihíł béédahózin. ²⁹Bá'doogehii éi adooyehii bíł jíłł, áko iyehii bik'is jíłíinii, bíghahgóó dzizíłgo jíists'ąą'ii éi adooyehii biinéé' jidiits'a'go t'áá íiyisí baa hoł hózho, díi bił alł'ehgo t'áá íiyisí shíł hózhoqo áshi'diilyaa. ³⁰Hó éi ts'ídá ayóó át'éii jidooleel, nidi shí éi a'oh deeshleel.

Wót'áahdée' hadajíiyáii

³¹Wót'áahdée' hadajíiyáhígíí éi ts'ídá t'áa altsoní biláahgo ájít'é; t'áa háiida nahasdzaán bikáa'dóo jilínígíí éi t'áa nahasdzaán bikáa'dóo nijghá, áko t'áa nahasdzaán t'éi baa yájlíti'; yá'ąashdée' hadajíiyáhígíí éi ts'ídá t'áa altsoní biláahgo ájít'é. ³²T'áa jiiłtsánígíí índa jidiizts'ą'ígíí éi baa hojilne', nidi diné doo ła' hahane' ya'oolih da, ³³áko hahane' ya'oolí'ígíí t'áa ákót'é Diyin God t'áa aaní lá níigo yee ła asłłi'. ³⁴Jó, Diyin God biníl'a'ígíí éi Diyin God bizaad yee yáłti', háálá éi Nılch'i Diyinii t'áadoo bí'neel'ąahí eidii'aah; ³⁵aTaa' éi aYe' ayóó'áyó'ní, áko t'áa altsoní yílák'eidí'ą.

³⁶T'áa ła' aYe' joodłąago bejjólíi éi iiná doo ninít'i'ii hwee hólq; t'áa ła' aYe' doo joodłąagóo doo bik'eh hojıl'íinii éi iiná doo yizdoołtséł da, nidi Diyin God t'óo báhádzidgo bibee até'él'íinii hak'igi hólq.

JOHN 4

Jesus áadóo asdzání Samériyagi kééhat'íinii

¹Jesus bídahool'aahii éi John bídahool'aahii bilááh ánéeląą' silłi'go áadóo tó yee da'asłłhgo Férísii danilíinii Jesus yaa dahodiizts'ąą'. Éi Bóhólníihii bíł bééhoozin, ²(azhá Jesus t'áa bí doo tó yee asłłh da nidi, bídahool'aahii t'éiyá). ³Judíyadóo Gáliliigóo dah náázdiidzá. ⁴Áko t'áa k'éhézdón Samériya biyi'góo ch'ídeesháál jiniizłłi'. ⁵Samériya biyi' kin haal'áa léi'gi

jiniyá, ákwii Sáíkar hoolyée lá, Jéikab biye' Jóseph kéyah yeidini'á

yéédóo t'áa áyidígi. ⁶Ákwe'é Jéikab bitóhahadleeh, áko Jesus ch'ééh jideeyáago tóhahadleeh biighahgi jineezdá, ałni'ni'ąągo daats'í.

⁷Nít'ée' Samériya dine'é asdzáni léi' tó hániyáa lá. Áko Jesus áhodíniid, Tó deeshdlíígií ła' shaa níkaah.

⁸Háálá hódahool'aahii éi ch'iyáan nideidiyoolnih biniyé kintahgóo eekai. ⁹Áko Samériya dine'é asdzáni áhodíniid, Ha'át'éegoshą' Jew dine'é ła' nilíí léi', Tó ła' shaa níkaah, shidini? Jó, Jew dine'é éi Samériya dine'é doo yił choda'ahool'íi da.

¹⁰Jesus hach'í' hanáanáadzii'go áhodíniid, Diyin God einiláhigií áádóo, Tó ła' shaa níkaah, niłnínigií bééhonísingo bídí' níkeedgo, tó hináanii neidookáál nít'ée'. ¹¹Áko asdzáni ánááhodoo'niid, Kwá'ásini, jó, t'áadoo bee tó haóleehi da, áádóo tóhahadleeh góyaa hózaad, háádęę'shą' áko tó hináanii shóidíilt'eel? ¹²Da' Jéikab nihizhé'e yéęesh biláahgo ánit'é, éi díi tóhahadleeh nihaidini'á, bí ında ba'álchíni áádóo dabilíí' deidląą nít'ée'? ¹³Jesus ánááhodoo'niid, T'áa háiida díi tó yoodlą'ígii éi dibáá' náádoodleł, ¹⁴nidi t'áa háiida tó baa níkáągo yoodlą'ígii éi doo dibáá' náádoodleł da, áko tó haa deeshkáłigií éi hayi'di tó t'áa bini'dii háálíniid dooleł, áko háálíigo iiná doo nini't'ii biih yiłi dooleł. ¹⁵Asdzáni ánááhodoo'niid, Kwá'ásini, tó baa hólne'ígii ła' shaa níkaah, áko doo dibáá' náadeeshdleł da, doo nidi kwe'é tó hánáshdáh da doo.

¹⁶Jesus ánááhodi' ní, Nílááh, nahastiin hágo bidiní, kwe' é bił nánit' aash. ¹⁷Áko asdzání hanáánaádzii' go áhodíiniid, Shahastiin ádin. Jesus áháłní, Shahastiin ádin, dinínígíí t' áa aaníí ádíiniiniid, ¹⁸háálá ashdla' nahastiin nít' éé', nidi k' ad bił nani' aashígíí doo nahastiin át' ée da, áko t' áa aaníígóó háínidzii' .

¹⁹Asdzání ánááhodi' ní, Kwá' ásiní, k' ad ląą shił bééhoozin ni, Diyin God yá halne' ii nílįį lá.

²⁰Danihizhé' é yęę díí dził bighąą' di nidahałáá nít' éé', áko nihí éi Jerúsalemgi t' éiyá diné nidahałáago bá haz' ą dadohní. ²¹Jesus ánááhodoo' niid, Asdzání, shiinidłá, díí dził bighąą' gi dooda, Jerúsalemgi ałdó' doo aTaa' bich' į' nidahohłáa da dooleełgo bich' į' hoolzhish.

²²Nihí t' áadoo béedahonohsinii bich' į' nidahohłá, nidi nihí éi béedahoniilzinígíí bich' į' nidahwiidłá, háálá yisdá' iildééh éi Jew dine' é bitahdóó hazłįį' . ²³Áko bich' į' hoolzhish, áádóó k' ad nidi baa hoolzhiizh, t' áa aaníígóó nidahałáai éi nılch' i ii' siziinii yee áádóó t' áa aaníinii yee aTaa' yich' į' nidahałáa dooleeł, háálá ákót' éego aTaa' bich' į' nidahałáa dooleełígíí haintá.

²⁴Diyin God éi Nılch' i jılį, áko hach' į' nidahałáai éi ts' ídá nılch' i ii' siziinii yee áádóó t' áa aaníinii yee hach' į' nidahałáa dooleeł. ²⁵Nít' éé' asdzání ánááhodoo' niid, Mesáiyah, Christ joolyéhígíí lá jįgháahgo shił bééhózin ni, áko jiníyáago t' áa ałtsoni bee nihíł hozhdoolnih. ²⁶Áko Jesus ánááhodoo' niid, Shi nich' į' yáshti' ígíí éi ásht' į.

²⁷Ts' ídá ákohgo hódahool' aahii haa nákaigo asdzání bich' į' yájłiti' ígíí bik' ee t' óó bił adahóoyóí, nidi, Ha' át' íish bínabídíłkid? t' áadoo hodíiniidí da, áádóó, Ha' át' íish biniyé bich' į' yánłiti? t' áadoo hodíiniidí da.

²⁸Áko asdzání bitóshjeeh yázhi t' áa ákqó si' ąago kin

haal'áágóó anídzoodzá, áko diné t'áá altso ábizhdíiniid,
²⁹T'í', diné léi' áát'íidii altso yee shił náhoolne'ígíí
deidoołtséel. Éi daats'í Christ át'í? ³⁰Áko kin
haal'áádóó ch'íjiizhjee'go Jesus baazhníjéé'.

Dá'ák'ehgóó da'diigaii

³¹T'ahdii bich'í' jookahgo Jesus hódahool'aahii
nídahookaąhgo ádahodíiniid, Na'nitini, íyá. ³²Nidi
ábizhdíiniid, Ch'iyáán doo nihił béedahózinii shee
hólqogo éi yishá. ³³Áko hódahool'aahii
áda'ahidoo'niid, Da'ła'daash ha'níłtsod? ³⁴Jesus
áhodíiniid, Shinił'a'ii yee íinízinii binaashnishgo
ła'yishléhígíí, éi shich'iyá'át'é. ³⁵Adoogishj'í' d'íi'
nídeezid hadziih, da' doósh dadohníi da? Jó, nidi shí
ánihidishní, Dadohhaalgo dáda'ák'ehgóó dadóh'íi',
háálá da'diigaii, áko k'ad-agizhji' ahooldziizh. ³⁶Ayizhii
éi bich'í' na'iilyé, áádóó aneest'a' iiná doo ninít'i'ii
biniyé álah íił'í, áko k'ée'dídléhígíí ında ayizhii éi t'áá
álah t'áá íiyisił bił hózhqo dooleel. ³⁷Háálá kwe'é bee
ha'oodzí'ígíí t'áá aaníi át'é, Ła' k'éezh'dídlééh, ła' éi
ajiyish. ³⁸T'áadoo bindashoolnish daígíí dadoohhish
biniyé ákqó anihiyí'a', áko ła' yindaashnishii nihił éi
bee ákidasoohdla'.

³⁹Áko éi kin haal'áádóó Samériya dine'é t'óó ahayóí éi
asdzáni bahane'ígíí binahji' Jesus dayoosdłąąd,
Áát'íidii ts'ídá t'áá altso yee shił náhoolne', níigo.
⁴⁰Áko Samériya dine'é haa haaskaigo, T'áá kwe'é
nihitah naniná, daaníigo nídahooskan, áko t'áá ákwe'é
naaki hwiiská. ⁴¹Índa t'óó ahayóí náadahoosdłąąd, háálá
t'áá hó hazaad deidiizts'áá'. ⁴²Áko asdzáni ádeidíiniid,
K'ad ni ádíninígíí doo t'áá éi t'éiyá binahji' da'iiniidłąą

da, háálá t'áá bí nihíł nahasne'go t'áá nihí
dasidiits'áą'go t'áá aaníi [Christ nilíinii,] nihokáá'
dine'é Yisdáyiiniiłii át'íi lágo nihíł béédahoozin.

Naat'áanii biye' náábi' diilzá

⁴³Ákwe'é naaki hwiiskáągo índa Gálilii bich'í'go
dashdiiyá. ⁴⁴Háálá Jesus t'áá bí adíiniid, Diyin God yá
halne'ii t'áá bí bikéyahgi diné doo bił jíłii da.

⁴⁵Áko Gáliliigi jiníyáago, Gálilii dine'é bił
dahóózhoqđgo bił k'é da'ahizhdoo'niid, Jerúsalemgi
hodílingo áłah ná'adleełigi ájíit'íidígíí t'áá altso
dayiiltsá

éi baą. Jó, éi áldó' hodílingo áłah ná'adleełigóo
nidaaskai.

⁴⁶Ákódzaago Gálilii biyi', Kéina hoolyéedi, tó wáin
ájiiłaa yeęgi

náádzídzá. Nít'ée' Kapérniyamgi naat'áanii ła' biye'
daatsaah lá. ⁴⁷Eí Judíyadóo Gáliliiji' Jesus níyáhígíí
jínii', áko baazhniyáago nídzooskango ájini,
Kapérniyam góyaa díináłgo shiye' náabididíłáál, háálá
doo baa dzoos'nii' da. ⁴⁸Jesus áhodíiniid, Bee
éedahózinii áádóo bik'ee t'óo íł adahayóigo
ádahooníłii doo daołtsáągóo doo da'iidoohdłął da.

⁴⁹Áko naat'áanii ánááhodoo'niid, Kwá'ásini, shiye' t'ah
doo daatsaahdáą' ákóyaa díináál. ⁵⁰Jesus
ánááhodoo'niid, Nilááh, nídídááh; niye' náádiidzá. Áko
Jesus saad yee hach'í' haadzí'ígíí dzoosdłąđgo
anídzoodzá. ⁵¹Ákóyaa níjoodáál, nít'ée' há nidaal'a'í
hadááh yikaigo hoł dahoolne'go ádaani, Niye'
náádiidzá. ⁵²Ákohgo na'izhdéłkidgo ázhdíiniid,

Díkwíigi oolkiłgoshą' t'ah nít'ée' yá'át'éeéh nídziłdlí'?'
Áko ádahodíiniid, Adááqdáá' yaa'adeez'áago hatah
honeezgaii yéę hats'aldoh. ⁵³Áko ts'ídá ákwii oo'áalgo
Jesus, Niye' náadiidzá, hodíiniidí góne' yá'át'éeéh
nídziłdlí'ígíi hazhé'é yenáálnii', áko hó áádóó
haghandóó t'áa altso da'oosdlaąd. ⁵⁴Judiyadóó Gáliliiji'
Jesus jiníyáago, díidí naaki góne' habee adziilii bee
bééhózinii baa nijiyáhígíi át'ée.

JOHN 5

Tó siyíigi náá' diilzá

¹Kódaadzaadóó bik'iji' Jew dine'é hodíłzingo álah
nída'áteeh baa honíyá, áko Jerúsalem góde Jesus jiníyá.

²Nít'ée' Jerúsalemgi, díbé bá ąą ndítłhi biighahgi,
Híibrew k'ehgo Bethésda wolyéego tó siyíi lá, éi
binaagóo ashdlá'go chaha'oh. ³Ka nidajikaígíi ákwii
t'óo ahojyóí jizhjée', éi doo da'joo'ínígíi,
nidazh'níłhodígíi, hatah doo nidahwii'nánígíi jizhjée' lá
[éi tó hidoo'nálígíi biba' jizhjée', ⁴háálá baa
náhwíilzhíishgo Bóhólníihii bidiyingo naal'a'í ła' tó
siyínígíi yiłh nádaahgo tó néidiłnááh, áko t'áa háiida
t'áa ha'át'éegoda haąh dah haz'áanii t'áa átsé tó
hidees'náá'dóó bik'iji' biishdiltałígíi bee yá'át'éeéh
níjídleeł]. ⁵Diné ła', t'áa ka naagháago tádiindóó
ba'aan tseebíi nááhai léi' ákwe'é atah lá. ⁶Jesus éi
yiyiiltsáago t'áa ákwe'é dziztłigo ła'í nááhaigo bił
bééhózingo áháłní, Nááshidi'doodláálísh nínízín? ⁷Áko
dine' daatsaahígíi áhodíiniid, Kwá'ásini, jó, tó

náhidí' náahgo t'áadoo tó yíih shóhtéí da, áko t'ahdii t'áa ch'éeéh ásht'íigo náánála' t'áa shí áłtsé yíih nídadiltał. ⁸Áko Jesus áhodíiniid, Níidiidááh, bik'i nítéhi nídiiltsóosgo dah diinááh. ⁹T'áa áko diné éi hadaalt' é ánábi' diilyaa, áko bik'izhnitéhi nízdiiłtsoozgo dashdiiyá. Díi háa'áyííh jí biyi' áhóót'íid.

¹⁰Éi biniinaa Jew dine' é danilíinii diné náabi' diilzáhígíí ádeidíiniid, K'adyee' háa'áyííh jí, áko bik'i nítéhi yíłtsosígíí doo bee haz'áa da.

¹¹Áko ábizhdíiniid, Náashidiisáhígíí t'áa éi, Bik'i nítéhi nídiiltsóosgo dah diinááh, shidíiniid. ¹²Áko nidahódéélkid, Háisha' diné shíí, Bik'i nítéhi nídiiltsóosgo dah diinááh, nidíiniid? ¹³Nidi diné náabi' diilzáhígíí éi náabidiisáii doo bił béeéhózin da, háálá ákwe' é áłah íłíigo biniinaa Jesus dah diiyá.

¹⁴Áadóo bik'iji' kin bił' sohodiziz bił haz'áa góne' Jesus hak'iniyáago áhodíiniid, Jó'akon, náani' diilzá! T'áadoo baqahági ánáanit' iní, áko ha'át'íida t'ah aláhigo doo yá'át'éeheii doo bee nich'í' ánááhodoo'niil da.

¹⁵Áadóo éi diné dah diiyáago, Náashidiisáhígíí éi Jesus át'í, níigo Jew dine' é yil hoolne. ¹⁶Díi háa'áyííh jí góne' Jesus baa nijiyáhígíí biniinaa Jew dine' é éi atídahoolaa [áadóo dahodiyiilyéel daniizíí']. ¹⁷Nidi Jesus ábidíiniid, ShiTaa' t'áa áłahjí' díi jíígóo yilnish, shí áłdó' yishnish. ¹⁸Áko háa'áyííh jí góne' Jew dine' é bibeé haz'áanii k'izhnił'ígíí biniinaa Jew dine' é dahodiyiilyéel daniizíí', nidi doo t'áa éi t'éiyá biniinaa da, nidi Diyin God shiTaa' bijiníigo Diyin God bił ahijíłt'éego izh'dółzinígíí biniinaa t'ah aláhídi át'éego dahodiyiilyéel daniizíí'.

AYe' niliinii bibee óhólníih

¹⁹Áko Jesus áhodíiniid, T'áa aaníi, t'áa aaníigóo ánihidishní, AYe' jílíinii t'áa hó hánii k'ehgo ha'át'ihída doo ázhdoolíił da, nidi aTaa' hanáał yaa naagháhígíi t'éiyá, háálá aTaa' ha'át'ihída yaa naagháhígíi, t'áa éi ałdó' aYe' yaa naaghá. ²⁰Háálá aTaa' éi aYe' ayóó'áyó'ní, áko t'áa altso áyoolíhígíi aYe' yíł íishjáá áyoolíił, áádóo díi naanishígíi biláahgo ádaat'éii yíł íishjáá iidoolíił, áko bik'ee t'óo nihíł adahayóii dooleeł. ²¹Jó, aTaa' éi daneeznánígíi néidiyíiłjeehgo iiná yeidii'aah, ts'ídá t'áa éi bíł ahinált'éego aYe' t'áa hóznízinígíi iiná baa hizhdi'aah.

²²ATaa' éi diné doo ła' yeinít'íiigo yá nihwii'aah da, nidi aYe' t'éi ánihwiit'aah t'áa altso bee bóhólníih doo biniyé yeidini'á, ²³áko diné t'áa altso t'áa aTaa' hoł danilínigi át'éego aYe' hoł danilíi doo. T'áa háiiida aYe' doo hoł nilínígíi éi aTaa' nilíinii biníł'a'ígíi ałdó' doo hoł nilíi da. ²⁴T'áa aaníi, t'áa aaníigóo ánihidishní, T'áa háiiida shizaad yidiits'a' áádóo shiníł'a'ii yoodlánígíi, éi iiná doo ninít'ii bee hółó, áádóo doo baa náhódóot'íił da, nidi aniné bits'áádóo iináajj' íiyá.

²⁵T'áa aaníi, t'áa aaníigóo ánihidishní, Bich'í' hoolzhish, k'ad nidi baa hoolzhiizh, daneeznánígíi Diyin God biYe' biinéé' deididoots'íił, áko t'áa altso deidiizts'á'ígíi dahináa dooleeł. ²⁶Háálá aTaa' t'áa bí iiná bii' hólonígi át'éego aYe' ałdó' iiná bii' hółógo ayósin, ²⁷áádóo ánihwiit'aah bee bóhólníihgo yeidini'á, háálá Diné Silíi'ii jílí. ²⁸Díidí t'áadoo bik'ee t'óo nihíł adahayóii, háálá bich'í' hoolzhish jishcháa' góne' naazhje'ígíi t'áa altso hwiinéé' deididoots'íił, ²⁹áko jishcháa'déj' háadahidookah, yá'át'éehgo ádaaníł

nít'é'ígíí iiná biyi'jì' náádidoojah, áádóó doo
yá'áshqógóó ádaaníł nít'é'ígíí éi ti'hoo'níh biyi'jì' bá
nidahodiyoot'áál biniyé náádidoojah.

Oo'íinii k'ehgo Jesus yá dahalne'ii

³⁰Doo t'áá shí shóhólníihgo ha'át'ihída ádeeshłíł da,
nidi diists'a'ii t'éi bik'ehgo ánihwiish'aah, áko ts'ídá
t'áá ákogi át'éego ánihwiish'aah, háálá t'áá shí nisinígi
át'éego doo ááshníł da, nidi aTaa' shiníł'a'ii iinízinii
t'éiyá bik'ehgo ááshníł. ³¹T'áá shí ádaa hashne'go éi
shahane'ígíí doo t'áá aaníi da doo, ³²nidi shá halne'ii ła'
nááhódló, áko yee shaa halne'ii éi ts'ídá t'áá aaníi
át'éego shíł bééhózin. ³³John bich'j' nida'sool'a', áko
t'áá aaníinii yaa hoolne'.

³⁴Bee shaa hane'ii nídiiláhígíí éi doo diné bits'áádeé'
da, nidi nihí yisdáhidoohkah biniyé diidí bee hahásdzíí'.

³⁵John éi bee hool'iní dilti'go bits'ádi'nídínígíí
nahojílin nít'ée', áko hwee adinídínígíí t'óó
kóníghánijj' nihíł yá'ádaat'éehgo baa nihíł dahóózhoqđ.

³⁶Nidi John yee shaa nahalne'ígíí biláahdi ayóó át'éego
bee shaa nááháne'ii hóló, háálá naanish ła'
dadeeshłíłgo biniyé aTaa' sheidini'ánígíí, ts'ídá t'áá díi
naanish baa naasháhígíí, t'áá éi aTaa' shiníł'a'go shaa
dahalne'. ³⁷ATaa' shiníł'a'ígíí t'áá bí ałdó' shaa hoolne'.

Éi biinéé' nidi ts'ídá t'ah doo dadoohts'j'ih da,
ázhnoolnínígíí nidi ts'ídá doo daotłséeh da, ³⁸áádóó
bizaad doo nihiyi'di dahólóq da, háálá yiníł'a'ígíí doo
deinohdláq da. ³⁹Jó, nihí Diyin God bizaad bee
ak'eda'ashchínígíí nidaałkaah, háálá éi biyi' iiná doo
ninit'i'ii nihee hóló danohsin, áko t'áá éi ałdó' shaa
dahalne'ii ádaat'é, ⁴⁰nidi iiná nihee dahodooleel biniyé

doo shaa danohkááh át'ée da. ⁴¹Diné bits'áádeé' ahił idlı́ yee shaa haniihii doo nídiishłée da. ⁴²Nidi Diyin God doo ayóó'ádeínóh'nii dago shił bééhózin. ⁴³ShiTaa' shee ádíhólniihgo bízhi' bee niyá, ákondi doo dashinohsin da; ła'da t'áá bí ádee ádíhólniihgo t'áá bí bizhi' yee niyáago, ált'ąą éi dadínóohsił. ⁴⁴Nihí ahił idlı́ ahádanohdzin, nidi Diyin God t'áá'í niliinii bits'áádeé' ił íliinii doo hádaaht'íígóó, haash yit'éego da'iidoohdlaął? ⁴⁵ATaa' bináál nihik'i hodideesh'áligíí éi t'áadoo bee ách'į' nitsídaahkeesí; Mózes yee' nihik'i hodii'aah, azhą t'áá éi binahį' nihil chodahoo'įi nidi. ⁴⁶Mózes deisoohdlaądgo, shi aldo' dashoohdlaą doo nít'ée', háálá éi shaa halne'go ak'e'ashchį. ⁴⁷Nidi yee ak'e'ashchínigíí doo deinoohdlaągóó, ákosha' hait'éego shizaad deidoohdlaął?

JOHN 6

Diné ashdladi mfil yilt'éego ba'iltsood

(Mt. 14:13-21; Mk. 6:30-44; Lk. 9:10-17)

¹Kódaadzaadóó bik'iji' Gálilii be'ek'id tsé'naagóó Jesus bił dah nídií'éeł, t'áá éi Taibíiriyas be'ek'id wolyé. ²Áko diné t'óó ahayóí hakée' yíkai, háálá baąh nidahałniihígíí habee adziilii bee béédahózinii bá ájiiłaaígíí dayiiltsá. ³Áko Jesus dah daask'id ła' baąh híjiiyáago ákwii hódahooł'aahii bił nidziiztąą nít'ée'. ⁴Jew dine'é hodilzingo áłah ná'ádleehígíí, t'áá éi atis'adeesdzá bee bééhániihii, k'adę baa hoolzhíish. ⁵Jesus jidée'įi', nít'ée' diné t'óó ahayóí hach'į'

dayíkáahgo jiiłtsá, áko Philip ábizhdíiniid, Háádéé' lá bááh nidahidiilnihgo díí diné da' dooyíł lá? ⁶Éí t'áa daats'í iiyisí shijoodlá nízingo áháłní, háálá ádoonilígíí t'áa bí bił bééhózin. ⁷Áko Philip áhodíiniid, Bááh éí denériyas

naakidi neeznádiin biighahgo nahaaznii' nidi t'áadoo bidínóolnah da, azhá t'áálá'í nítínigo áłch'íidigo bada'iistsood nidi doo bidínóolnah da. ⁸Nít'ée' hódahool'aahii ła' Andrew, Sáiman Peter yił háá'ázhígíí, áhodíiniid, ⁹Kóó ashkii léi' t'oh naadáá' bidee'í lees'áan ashdla'go áádóo lóó' áłts'íisígíí naakigo neiyaah, nidi éish ákózhnéeláa'go hodínóolnah? ¹⁰Áko Jesus ádíiniid, Diné t'áa áłtso dadimohbiłh bidiní. Éí haz'ánigi t'oh yíl'áago ákwii diné ashdladi miilgo daats'í dineezbin. ¹¹Áko Jesus éí lees'áan néidiinilgo, Diyin God yich'í' yaa ahééh niizłi'go, [bídahool'aahii yitaiznii', áádóo bídahool'aahii éí] dadineezbinígíí yitaa deiznii'; lóó' áłdó' t'áa bee hwiih ódle' biighahgo yitaiznii'. ¹²Hwiih daazłi'go hódahool'aahii ábizhdíiniid, Bi'oh nida'iisdá'ígíí áłah ándaahdlééh, áko doo t'áa ádzaaí dooleeł da. ¹³Áko t'oh naadáá' bidee'í lees'áan ashdla' neheesti'go dajíiyáa'ii, éí bi'oh da'jiiyá'ígíí ts'iizis naakits'áadah bii' hadazhdééłbiłd. ¹⁴Áko Jesus habee adziilii bee bééhózinii baa nijiyáhígíí dayiiltsáago ádadíiniid, Díí t'áa aaníí Diyin God yá halne'ii nahasdzáan bikáa'gi doogáál hodoo'niidii át'íł lá.

¹⁵Áko Jesus aláahgo naat'ánii jidooleelji' ahó'di' doodził biniyé k'adéé' aadéé' hach'í' dah adiildéehgo baa ákodziniizłi'go dziłgóo t'áa sáhí dah náázdiidzá.

Jesus tálkáá' yigáál

(Mt. 14:22,23; Mk. 6:45-52)

¹⁶I'í'áago be'ek'id góyaa hódahool'aahii hadanáakaigo, ¹⁷tsinaa'eel yiih náákai, áádóó Kapérnyamgóó tsé'naa bił dah adii'éeł. Áko hiłiiłi'go Jesus t'ah doo haa nádaah da. ¹⁸Nít'ée' ayóó át'éeego deeyolgo biniinaa tó náadadiidááh. ¹⁹Áko táá' daats'í, dji' daats'í tsin sitá ánizahgóó da'jil'eelgo Jesus tálkáá'góó tsinaa'eel yich'i' yigáalgo dajiiłtsá. Áko bik'ee hoł yée' dahazli'i', ²⁰nidi áhodíiniid, Shíyee' ásh't'i; t'áadoo nídaaldzidí. ²¹Áko haa bił dahóozhooqdogo tsinaa'eel yiih dahast'e'go, t'áá áko kéyah bich'i' da'jil'eelgíi baa da'dzis'éeł.

Diné éi Jesus hadeintá

²²T'áá ákóq dabiiskánigíi náwónaanijí tsinaa'eel doo ła' si'áagóó dayiiłtsá, tsinaa'eel Jesus bídahool'aahii yiih yikai yęę t'eyá. Hódahool'aahii tsinaa'eel doo bił biih jookai da ni', nidi hódahool'aahii t'eyá t'áá sáhi bił dah adii'eełgo bił beédahózin. ²³Ákondi Bóhólníihii lees'áan yik'i sodoolzingo ahééh niizii'dóó bik'iji' da'jiiyáá' yęędóó t'áá ayidígi tsinaa'eel ła' Taibíiriyasdéę' nidahaaz'éeł lá. ²⁴Áko diné éi Jesus áádóó bídahool'aahii doo kwe'é nidaakaigóó bił beédahoozingo, bí aldo' Jesus yíkadantáago tsinaa'eel yiih yikaigo Kapérnyamgóó bił dah náada'dii'éeł.

Jesus éi bááh bee iinánii nilí

²⁵Be'ek'id wónaanídi hak'idaaskaigo ádahodíiniid, Na'nitiní, hádaq'shą' kwe'é yiniyá? ²⁶Jesus áhodíiniid,

T'áa aaníí, t'áa aaníígóó ánihidishní, Nihináát shibee adziilii bee béédahózinii baa niséyáhígíí doo biniyé shíkadanohtáa da, nidi tees'áan daoyáa'go bee hwiih dasoolí'ígíí éí t'éiyá biniyé shíkadanohtá. ²⁷Ch'iyáán áádjiíhii t'éiyá t'áadoo biká nidaahkaí, nidi iiná doo ninit'i'ii bá ch'iyáán doo ádjiíhii hádaht'í, éí Diné Silíí'ii nihaididoo'áał, háálá Diyin God aTaa' nilíinii hwee lą asł'ígíí bee hwéého'dílzingo áhoolaa. ²⁸Áko ádahodíniid, Haasha' deii't'íigo t'éí Diyin God naanish yaa bíł hózhóonii baa neiikai doo? ²⁹Jesus ánááhodoo'niid, Diyin God yinił'a'ii deinohdláago baa dadziínóhłigo éí naanish Diyin God bíł hóshó. ³⁰Áko ánáadahodoo'niid, Ha'át'iisha' nibee adziilii bee bééhózinii ádíłíłgo, dadíniil'íłgo daniidiidłaał? Ha'át'iish ádíłíł? ³¹Danihizhé'é yęę honoojigi mána dayíiyáa';

t'áa bee ak'e'ashchínigi át'éego, Yá'aashdęę' bááh baz'níłtsood.

³²Áko Jesus ánááhodoo'niid, T'áa aaníí, t'áa aaníígóó ánihidishní, Yá'aashdęę' bááh éí doo Mózes niha'níłtsood da, nidi shiTaa' éí yá'aashdęę' bááh t'áa aaníinii niha'niłtsoód. ³³Háálá bááh Diyin God bihígíí éí yá'aashdęę' hadahóóle'go nihokáa' dine'é iiná yeidii'aah. ³⁴Áko ánáadahodi'ni, Bóhólníihii, t'áa áłahji' díí bááh nihaná'íłtso' doo.

³⁵Jesus ánááhodoo'niid, Shí bááh bee iináanii nishł; shaazhniyáhígíí éí doo dichin náazhdoodleł da, áádóó shijoodłáago sheidzólíii éí doo dibáa' náazhdoodleł da.

³⁶Nidi ánihidíniid, Dashoołtsąa nidi t'ah doo da'oohdłaał da. ³⁷ATaa' sheidii'aahígíí t'áa áltso éí shaa hidookah; shaazhniyáhígíí éí t'áa iiyisi doo nówehji'

hodideeshniil da. ³⁸Háálá doo t'áá shí íinisínigí át'éego ádeeshniil biniyé yá'aashdédé' hadááyáa da, nidi shinil'a'ii íinízínigíí éí ádeeshniil biniyé níyá; ³⁹díí éí [aTaa'] shinil'a'ii yee íinízínii át'é, éí t'áá altso shaazhníniligíí doo la' yóó'adeesht'eel da, nidi niinílkáadi éí t'áá altso daneeznáádéé' náádabideeshjah. ⁴⁰Háálá shiTaa' díí yee íinízínii át'é, éí t'áá aYe' jiiitsánigíí áádóó joodlāago beijólíhígíí, iiná doo ninít'i'ii hwee hólóq dooleel, áko niinílkáadi dadziztsáádéé' nááhodideeshláál.

⁴¹Shí éí bááh yá'aashdédé' hadahóóle'ígíí nishlǐ, jinínigíí biniinaa Jew dine'é saad dahashǐ. ⁴²Áko ádadíiniid, Da' díish doo Jesus, Jóseph biye' át'ǐi da? Bizhé'é áádóó bimá béédahoniilzin. Ha' át'éegoshǐ' áko k'ad, Shí yá'aashdédé' hadááyá, jini? ⁴³Áko Jesus ánááhodoo'niid, T'áadoo shiniinaa ałch'ǐ' nihiyi' nidahodi'ni'í. ⁴⁴Diné doo la' shaa doogáal da, aTaa' shinil'a'ígíí shaa honilóozgo t'éiyá, áko niinílkáadi dadziztsáádéé' nááhodideeshláál. ⁴⁵Diyin God yá dahalne'ii binaaltsoos yii' kódaaniigo yee ak'eda'ashchǐ, Áko t'áá ádziltso Diyin God nidahodínootǐl.

T'áálá'i nítínigo aTaa' deidiizts'áa'go ídahool'á'ígíí éí shaa hakááh. ⁴⁶Ákondi éí diné la' aTaa' niliinii yiyiiltsá, doo dishníigo ádíshnií da, t'áá hazhó'ó Diyin God bits'áádéé' hojílónigíí t'éiyá, éí aTaa' jiiiltsá. ⁴⁷T'áá aaníí, t'áá aaníigóó ánihidishní, Shoodlāago shaa dzólíhígíí éí iiná doo ninít'i'ii bee hólóq. ⁴⁸Shí éí bááh bee iináanii nishlǐ. ⁴⁹Danihizhé'é yéé honoojǐigi mána dayíiyáá', ákondi éí daneezná. ⁵⁰Díí t'éiyá yá'aashdédé' bááh hadahóóle'ígíí át'é, áko t'áá háiiida éí yiyíyá'ígíí

doo dadootsaal da. ⁵¹Shí éí bááh hináanii yá' aashdęę' hadahóóle'ii nishłı; t'áá háiida díí bááh jiyánígíí hool'áágóó jiináa dooleel, áko nihokáá' dine'é bááh yee hináa dooleelgo baa deesh'álígíí éí shitsı'.

⁵²Ákohgo Jew dine'é ałghada'dit'áahgo áda'ahidoo'niid, Hait'éegoshą' díí diné t'áá bí bitsı' niha'dooltsołgo dadiidı́ı? ⁵³Áko Jesus áhodíiniid, T'áá aaníı, t'áá aanígóó ánihidishní, Diné Silı'ı'ii bitsı' doo daoyáą'góó áádóó bidıl doo daohdláą'góogo, iiná doo nihee dahólóq da doo; ⁵⁴t'áá háiida shitsı' jiyánígíí áádóó shidıl jidlánígíí éí iiná doo ninít'i'ii hwee hóló, áko niinılkáądi dadziztsáądęę' nááhodideeshłáál. ⁵⁵Háálá shitsı' éí t'áá aaníı yidá át'é, inda shidıl t'áá aaníı yidlá át'é. ⁵⁶T'áá háiida shitsı' jiyánígíí áádóó shidıl jidlánígíí éí shiyi' hojłł, áádóó bidinína hayi' honishłó. ⁵⁷T'áá aTaa' hináanii shinıl'a'go aTaa' bee hinishnánigi át'éego, t'áá háiida shijíıyá'ígíí shee jiináa dooleel. ⁵⁸Díı yá' aashdęę' bááh hadahóóle'ígíı át'é. Azhá danihizhé'é yęę mána dayíıyáą' nidi daneezná. T'áá háiida díı bááh jíıyá'ígíı éí hool'áágóó jiináa dooleel. ⁵⁹Kapérniyamgi kin bii' álah ná'ádleeh góne' nash'nitingo díı bee hadziisdzıı'.

Saad binahji' iiná doo ninít'i'ii ee hodooleelii

⁶⁰Áko hódahool'aahii éí deidiizts'áą'go la'ı ádadíiniid, Díı áhá'nínígíı t'áá iıyısı nantł'a; háısh áldó' yiyıists'áą' doo? ⁶¹Nidi Jesus éí hódahool'aahii doo bił ákódaat'éégóó yaa nídaat'ínígíı doo jidiizts'áą' da nidi hoł béehoozingo ábizhdíiniid, Díı saadısh bik'ee nidaaltal? ⁶²Ákoshą' Diné Silı'ı'ii áłtséedáą' hólóq nít'é'ı góde náádáalgo daolttsáągo haa yit'éego baa

nitsídaahkees doo? ⁶³Níłch'i Diyinii éi iiná eidii' aah, nidi ats'íis éi t'áadoo nídoodleelí da; saad bee nihich'í' hahásdzí'ígíí éi Níłch'i Diyinii bits'áądóo bee iináanii át'é. ⁶⁴Nidi nihí ła' doo da'iinohdląą da. Háálá Jesus t'óo ha'níítąą' yęędąą' doo da'oodláanii bił bééhózin, índa diné nináhodidoo'áligíí atdó' bił bééhózin. ⁶⁵Áko ázhdíiniid, Díi biniinaa ánihidíiniid, Diné doo ła' shaa doogaał da, shiTaa' hadi'ní'ąągo t'éiyá.

⁶⁶Kódaadzaadóo bik'ijí' hódahool'aahii ła'í hats'ánáhaazhjee' go t'áadoo hakée' tánáadóokai da. ⁶⁷Áko Jesus éi naakits'áadahígíí bich'í' hadzoodzii' go ábizhdíiniid, Da' nihíish atdó' shits'ádoohjah? ⁶⁸Sáíman Peter áhodíiniid, Bóhólníihii, háish atdó' bich'í' dah náádidiikah? Ni t'éi saad binahjí' iiná doo ninít'i'ii hodooleelii nee hóló, ⁶⁹áko ni éi t'áa aaníi Diyin God hináanii biYe' Diyinii Christ nilįigo deisiidląąd.

⁷⁰Jesus ánááhodoo'niid, Da' shíish doo naakits'áadah noł'éego nánihidíiniil da, nidi ła' níłch'i bi'iiníziinii nohí? ⁷¹Éi Sáíman, Iskáriyat biye' nilíinii, Júdas ábijiní, háálá t'áa éi nináhodidoo'áał, éi naakits'áadahígíí ła' atah nilí.

JOHN 7

Jesus bitsiliké doo da'oodląą da

¹Ákódzaadóo bik'ijí' Gáliliigi Jesus nijighá, háálá Jew dine'é dahodiyiilyéel dahó'níigo biniinaa Judíyaji' t'éí

doo t'áa k'ad jideeyáa da. ²Ákohgo Jew dine'é éi chaha'ohgi hodílingo álah nída'áleeh

baa hoolzhiizh. ³Áko Jesus hatsiliké ádahodíiniid, Nidahool'aahii éi baa nanináhígíi deidoołtséel biniyé kodóo Judiyagóo dinaáh. ⁴Háálá diné ła' shéeho'dilzin dooleel nízingo t'áa nant'inee t'áadoo le'é doo yaa naagháa da. Díidí baa nanináago nihokáá' dine'é bił íishjáá í' dílnééh. ⁵Háálá azhá hatsiliké nidi doo dahoodłáago haa dadzólíi da. ⁶Áko Jesus áhodíiniid, Baa nideeshaaígíi t'ah doo shá baa hoolzhiish da, nidi nihí t'áa álahji' nihá ashja hoot'é. ⁷Nihí nihokáá' dine'é doo danihijoolá daole' át'é da, nidi shí t'éi dashijoolá, háálá ádaanígíi éi doo yá'adaat'éeh da dishnigo baa hashne'. ⁸T'áa nihí díi hodílingo álah ná'ádleehegóo dadohkááh; shí t'éi díi hodílingo álah ná'ádleehe góde doo t'áa k'ad déyáa da, háálá shí baa nideeshaaíi t'ah doo altso shá baa hoolzhiish da. ⁹Kót'éego hadzoodzii'go t'áa Galiliigi nijigháa nít'éé'.

Jesus hodílingo álah ná'ádleehegi naaghá

¹⁰Nidi hatsiliké hodílingo álah ná'ádleehe góde eekaidóo bik'iji' hó éi doo t'áadoo bahat'aadi jiniyáa da, nidi t'áa nahont'inee jiniyá. ¹¹Áko díi hodílingo álah ná'ádleehe Jew dine'é, Háadishą' nijighá? daanigo hádahodéez'íi'. ¹²Áko diné bitahgi t'áa hazhó'ó haa saad aghá. ła' éi, Diné yá'át'éehii nilí, daaní, náadaala' éi, Dooda, éiyee' t'áa ádzaagóo diné iinii'áahii nilí, daaní. ¹³Ákondi Jew dine'é yéedaaldzidgo biniinaa hasłąagi doo haa nídaat'íi' da.

¹⁴Áko díí hodílzingo álah ná'ádleehí ańńí'góo daats'í hoolzhishgo kin bii' sohodizin bił haz'áá góne' Jesus yah ajííyáago naz'neeztáá'. ¹⁵Áko éi bik'ee Jew dine'é t'óo bił adahóoyóigo ádadíniid, Hait'éegoshą' díí diné bił ééhózin, t'áadoo hazhó'ó íłta' da nidi? ¹⁶Áko Jesus áhodíniid, Shina'nitin doo t'áá shí shina'nitin át'ée da, nidi shiní' a'ígíi bina'nitin át'é, ¹⁷áko diné t'áá háiida Diyin God íinízínígíi bi'deeshlíł jiniizíj'go, éi shina'nitin daats'í Diyin God bits'ááđéé' át'éego, doodaii' t'áá shí shóhólníihgo daats'í hahasdziihgo hoł bééhodoozjįł. ¹⁸T'áá háiida t'áá hó ádíhojólníihgo yájłti'ígíi aa ha'niih ádá hájıt'ı, nidi t'áá háiida biní' a'ígíi baa ha'niih dooleełgo yá háł'ínígíi éi t'áá aaníígóo át'ı áádóo doo t'áá ákogi ádaat'éhígíi éi doo bii' hólóq da. ¹⁹Da' bee haz'áaniish doo Mózes nihaidiní'áq da? Ákondi nihi la' t'áála'ı nidi bee haz'áanii doo bida'ol'jį da. Ákoshą' ha'át'ıi biniyé shida'noolhı? ²⁰Áko diné yıl'áhígíi ánáadahodoo'niid, Nılch'ı bi'iiníziinii nii' hólóq lá! Háıyee' ni'niılhıjgo ádíni? ²¹Áko Jesus ánáadahodoo'niid, T'áááhigo haz'á áshłaa, áko éi bik'ee t'óo nihił adahayóı. ²²Mózes aqah náhinilgishgo bee haz'áanii nihá niiníla

(nidi éi doo fiyisí Mózes bits'ááđéé' da, nidi danihizhé'é yéé bits'ááđéé' hazlıjı'), áko háá'áyıjıh jı biyi' nidi diné baqah nídahinołgish. ²³Háá'áyıjıh jı aleeh góne' diné baqah náhineeshgizhgo, ákondi Mózes yee has'áanii doo k'ėti' da niłjıgo, da' ákoósh háá'áyıjıh jı aleeh góne' diné hazhó'ó hadaalt'é ánáshdlaaígíi biniinaa shich'ı' nihádahazhchıjıd? ²⁴T'óo dzólnígóo t'áadoo ándahoyoh'aahı, nidi t'áá ákogi át'éego ándahoyoh'aah.

Da' díísh Christ át'í?

²⁵Áko diné ła' Jerúsalemdóo nidaakaígíí ádadíiniid, Eíísh bidazh'niíhínígíí át'í? ²⁶Ákondi t'áadoosti'ee yálti'go naaghá, nidi doo ádabijiníni da! Naat'áanii dajilíinii daats'í díí t'áa aaníí Christ át'íigo hoł béédahoozin. ²⁷Jó nidi, díí diné naagháádéé' niíł béédahózin, nidi Christ yit'íní í' diilyaago, níyáádéé' diné ła'í nidi doo bił béédahózin da dooleeł. ²⁸Áko kin bii' sohodizin bił haz'áá góne' Jesus nazh'ningo yéego hadzoodz'íigo ájíní, Shéédahonohsin áadóo naasháádéé' aldo' niíł béédahózin. Nidi doo t'áa shíniik'eh níyáa da; shizhníł'a'ígíí éí t'áa aaniinii jíłí, áko éí doo hwéédahonohsin da. ²⁹Nidi shí hwééhasin, háálá hats'áádéé' naashá, áko éí shizhníł'a'. ³⁰Ákohgo hodi'dooltsół daniiz'íí, nidi ła'da t'áadoo hooltsoodí da, háálá t'ah doo áají' há ahalzhiish da. ³¹Ákondi diné t'óo ahayóí dahoodłáago haa dadzóliigo ádaaní, Da' Christ níyáago bibee adziilii bee béédahózinii ayóo ádaat'éii díí diné yaa naayahígíísh biláahdi ánéeláa'go yaa nináádoodaal?

Siláo éí Jesus deidooltsół biniyé adabi'diis'a'

³²Áko diné yíl'ahígíí ákót'éego saad bigháago éí Férísii danilíinii deidiizts'áa'go, aláahgo náada'iíłniihii áadóo Férísii danilíinii éí Jesus deidooltsół biniyé siláo adeis'a'. ³³Jesus áhodíiniid, T'óo kónizahíj' niíł honishłóq doo, áadóo shiníł'a'ígíí bich'í' nídeeshdáál; ³⁴hadashinohtáa doo, nidi doo shik'ídadoohkah da, áko naasháa dooleelígóo doo dadohkááh át'ée da. ³⁵Jew dine'é áda'ahidi'ní, Háágóoshą' jideeyáago doo hak'ídadiikah da? Da' Griik dine'é bitahgóo Jew dine'é

tadaoskaígíish bich'í' jideeyáago Gríik dine'é nídízhnítáá'? ³⁶Hadashinohtáa doo nidi doo shik'ídadoohkah da, áádóó, Naasháa dooleefígóó doo dadohkááh át'ée da, níigo yee haadzi'ígíishá' ha'át'íí ááhyilní?

Tooh dahináanii

³⁷Áádóó hodílingo álah ná'ádleeh bee nihooghááh bijíí góne',

Jesus yiizi'go yéego haadzii'go adíiniid, Diné t'áa háiida dibáá' nilíigo, bíni'dii shaa doogáalgo adoodlíí.

³⁸T'áa háiida shoodláago shaa dzólihígíí, Diyin God bizaad bee ak'e'ashchíigo adíiniidígíí át'éego, Éí hwii'déé' tooh dahináanii hadaazlíí dooleel.

³⁹Áko díí hadzoodzi'ígíí Níłch'i Diyinii baa hojilne'go ájini, éi dahoodláago haa dadzólíi bíí' dadooleefígíí ááhjini; jó, ídáá' Níłch'i Diyinii t'ah doo aa deet'aah da, háálá Jesus t'ah doo ayóó át'eií ábi'dilnéeh da.

Diné bitahgóó alts'á'áldah

⁴⁰Díí saadígíí deidiizts'áá'go diné ła' adadíiniid, Díí diné t'áa aaníí Diyin God yá halne'ii át'íí lá.

⁴¹Náádaala' ádaaní, Díí Christ át'í. Nidi ła' ádaaní, Da' Christísh Gáliliidéé' doogáál? ⁴²Da' doosh Diyin God bizaad bee ak'e'ashchínígíí ánií da, Christ éi David bits'áádóó oochíihii jííí doo, t'áa David kééhat'íí nít'é'ídóó, Béthlehem kin haal'áhídóó?

⁴³Áko diné haniinaa alts'ákah. ⁴⁴Áko ła' hodi'dooltsol daniizíí', nidi t'áadoo ła' hwiiltsoodí da.

Alqajj' naazíinii doo da'oodlánígíí

⁴⁵Áko siláo éí aláahgo náada'iílniihii áádóó Férísii danilíinii baa níjíkai, nít'ée' ádahodíiniid, Haash yit'éego t'áadoo bił nánoohkai da? ⁴⁶Siláo ádazhdíiniid, Diné ła'da díí diné yálti'ígi át'éego t'áadoo yálti'í da!

⁴⁷Áko Férísii danilíinii ánáadahodoo'niid, Da' nihíish ałdó' t'áa ádzaagóó ádanihi'di'niist'aa'? ⁴⁸Da' naat'áanii danilíinii áádóó Férísii danilíiniish ła' daboosdlaądgo baa dadzoozlí'? ⁴⁹Nidi díí diné yíl'áhígíí, bee haz'áanii doo bił béedahózinígíí yee', atídadoolníłgo bá hada'iisdzíf', náadadoo'niid.

⁵⁰Nít'ée' Nikodíimas, éí t'óó yęędąą' [t'ée'go] Jesus baazhníyáhígíí,

Férísii danilíinii ła' atah jíłjigo, t'áa altso ábizhdíiniid, ⁵¹Da' nihibee haz'áaniish diné ła' t'áadoo yidiits'íhí índída yaa naayáii t'áadoo bił béehoozjiihí yá nihodoo'áál? ⁵²Áko hach'j' hadaasdzií'go ánáadahodoo'niid, Da' miish ałdó' Gáliliidęę' naniná? Diyin God bizaad nanılkaah, jó, Gáliliidóó Diyin God yá halne'ii doo hodooleelgóó nił bééhodoozjiił. ⁵³[Áko diné t'áa ádziltso dahaghangóó táadzooskai.

JOHN 8

Asdzání adiléego hadeel'íí'

¹Jesus t'éiyá Dził Álivz bigháą'góó dashdiiyá. ²Áádóó t'áa íiyisí t'ah abínigo kin bii' sohodizin bił haz'áą' góne' yah anáadzoodzáago, diné t'áa altso haa álah

silíí', áko dzineezdáago nazneeztáá'. ³Nít'ée' bee haz'áanii yínda'niłtinií ında Férisii danilíinií asdzání ła' adiléé lágo yik'ídaaskaigo Jesus yaa deizlóóz, áko diné binii'gi dah hoosj'go, ⁴Jesus ádeidíiniid, Na'nitini, díí asdzání adiléé lágo habi'deel'íí'. ⁵Ákódaat'ínigíí bił nidadziilne' doo biniyé bee haz'áanii biyi' Mózes yee haadzíi' ni'.

Nidi nishą' ha'át'éego bá hadíídzih? ⁶Díí hákada'iilhilgo binahj'i' hak'i dahodidoo'áál biniyé ádahodíiniid. Nidi Jesus yaa ádziidzaago doo baa ná'áhozdíłt'íí'góo hála' bee łeeshtahgi ni'dzizoh. ⁷Áko t'ah nidadhódíłkidgo, de ádziidzaago ábizhdíiniid, T'áa háiiida nihitahgi ts'ída t'ah doo ádíł iisiihii éi hání'dii átsé tsé bee díí asdzání nízhdidoolniil. ⁸Áko yaa ánaádziidzaago hála' bee łeeshtahgi nináa'dzizoh. ⁹Nidi asdzání yik'i dahodii'ánigíí éidíí'gíí deidiizts'ąą'go, ádił nida'iisii'ii yee ádaa ákodaniidzií'go t'áálá'i nítinigo t'áa atkéé' ch'éheeskai, alaąj'i' nidaakaigíí átsé, akéédéé' nidaakaigíí bee nihoolzhiizh, áko Jesus t'áa sáhi dzizłj'i'go, asdzání t'ei hadááhdéé' sizj'. ¹⁰Áádóo Jesus de ádzaago éi asdzání yik'i nághalgo áyidíiniid, Asdzání, nik'i dahodii'ah yęęshą' hááj'i? Da' dinéesh doo ła' atinidi'doolniilgo yee ná haadzíi' da? ¹¹Áko ábijini, Doo ła' da, Bóhólniihii. Nít'ée' Jesus ánaáhodoo'niid, Shí atdó' nidi'yoolyéelgo doo bee ná hadeesdzih da; nílááh náádáál, t'áadoo baąhągi ánaánit'ini.]

Jesus éi nihokáá' dine'é bá adizhníłdín

¹²Nít'ée' Jesus éi diné yich'j' hanáánaádzíi'go áyidíiniid, Nihokáá' dine'é bá adinidíin nishj;

t'áá háiida shikéé' joogálgíí éi doo chahaatheelgóo nináájídáa da doo, nidi iiná bee adinííinii hwee hólóq dooleet. ¹³Éi baq Férísii danilíinii ádahodíiniid, T'áá ni ádaa hólne', áko hólne'ígíí doo t'áá aaníi da. ¹⁴Jesus ánááhodoo'niid, Azhá shíí t'áá shí ádaa hashne' nidi, hashne'ígíí éi t'áá aaníi, háálá níyáádéé' índa déyáágóo shíł bééhózin, nidi nihí éi níyáádéé' índa déyáágóo doo nihíł béédahózin da. ¹⁵Nihí ats'íis k'ehgo t'éiyá ándahoyoh'aah, shí éi diné doo ła' bá nihwiish'aah da. ¹⁶Ákondi ánihwiish'aah ládáq', bee ánihwiish'aahii éi t'áá aaníi, háálá doo t'áá sáhí ánihwiish'aah da, nidi shí áádóo aTaa' shiníł'a'ii biłgo t'éiyá. ¹⁷Bee nihá nahaz'aanii biyi'dóo bee ak'e'ashchí, diné nidilt'éego oo'iinii niljigo aheelt'éego halne'go éi t'áá aaníi;

¹⁸shí t'áá shí ádaa hashne', áádóo aTaa' shiníł'a'ii áldó' shaa halne'. ¹⁹Áko ádahodíiniid, Háadishq' niTaa'? Jesus ánáádoo'niid, Shí nidi doo shéédahonohsin da, shiTaa' áldó' doo béédahonohsin da; shéédahonohsingo t'éiyá shiTaa' áldó' béédahonohsin doo nít'éé'. ²⁰Kin bii' sohodizin bił haz'áq góne' béeso ahi'níłgi na'nitingo díi saadígíí Jesus yee haadzíí', nidi ła'da doo hoołsoodí da, háálá t'ah doo áajj' há ahalzhiish da.

Déyáágóo doo dadohkááh át'éé da

²¹Jesus ánááhodoo'niid, Shí k'ad dah diishááh, áko nihí hadashinohtáa dooleet, ákondi t'áá ádił da'ínółzihgo dadínóohnéet; déyáágóo doo dadohkááh át'éé da. ²²Áko Jew dine'é ádadíiniid, Da' ázhdiyoolyééłish, háálá, Déyáágóo doo dadohkááh át'éé da, jini? ²³Áádóo ábizhdíiniid, Nihí nihokáá'dóo nidaahkai, shí t'éiyá wót'áahdéé' naashá; nihí nahasdzáán bits'áqdóo dahosooljí', shí doo nahasdzáán bits'áqdóo hoséłjí' da.

²⁴Éí baq̄ ánihidíiniid ni', T'áá ádił da'íinólziihgo dadínóohnéel, háálá shí Christ ást'íjgo

doo deinohdláágoogo t'áá ádił da'íinólziihgo dadínóohnéel. ²⁵Áko ádahodíiniid, Háisha' ánit'í? Jesus ánááhodoo'niid, Ts'ídá átséedáq̄ nihíł hweeshne'ígíi t'áá éi ást'í. ²⁶Lq̄'ígóo bee nihich'í' hahideesdzhii áádóo bee nihaa nídéesht'íjii hólq̄, nidi shiníł'a'ígíi éi t'áá aaníinii nilí, áko bits'áádóo diséts'áq̄'ii nihokáá' dine'é bee bił hashne'. ²⁷ATAa' baa yájiłt'go t'áadoo yik'ida'diitáq̄ da. ²⁸Áko Jesus áhodíiniid, Diné Silí'ii dah dahidoolt'e'go índá, shí t'áá éi ást'íjgo nihíł béedahodooził, áádóo doo t'áá shí shóhólníihgo ha'át'íhída baa naasháa da, nidi shiTaa' yee nashineeztá'ígi át'éego díi bee yáshti'. ²⁹Shiníł'a'ígíi éi shíł hólq̄; aTaa' doo t'áá shízhání shi'níłnii' da, háálá bił hóshónígíi t'éi t'áá áłahj' baa naashá. ³⁰Díi saad bee hadzoodzi'go lq̄'í dahoosdlaq̄d.

T'áá aaníinii nihéedeididoochíł

³¹Áko Jesus éi Jew dine'é dahoosdlaq̄dígi ábizhdíiniid, Shizaad bik'eh wohkahgo t'éiyá t'áá aaníi shídahool'aahii dadoohłeel, ³²áko t'áá aaníinii nihíł béedahodooził, índá t'áá aaníinii nihéedeididoochíł. ³³Áádóo ánááhodoo'niid, Nihí Éíbraham bits'áádóo da'ahíłchíihii daniidlí,

áko ts'ídá t'áadoo diné ła' binaalte' dasiidłj' da. Ákoshq̄ ha'át'éego, Nihéedadidoochíł, diní?

³⁴Nít'éé' Jesus ánááhodoo'niid, T'áá aaníi, t'áá aaníígóo ánihidishní, T'áá háiiida baq̄hági ááníłii t'áá éi baq̄hági át'éii binaalte' jíł. ³⁵Jó, naalte' doo hool'áágóo a'alk'ee

sidáa da, nidi aYe' t' éiyá hool' áágóó hóló. ³⁶Éí baq̄ aYe' nihéedeideezhchidgo, t' áá aaníí nihéedadeeshchid doo. ³⁷Éíbraham bits' áádóó da' ahílchíihii danohíjigo shil bééhózin, ákondi dahodiyiilyéel dashíínóh' ní, háálá shizaad nihiyi' di doo bá nahosool' áq̄ da. ³⁸ShiTaa' bit̄ honishl'óq̄d'áq̄' yíiltsánígíí t' áá éí bee yáshti', nihí áldó' danihizhé' é bits' áádóó dasidoots' á' ígíí t' éí baohkah.

Níłch' i bida' iiníziinii binanit' a' í danihizhé' é át' é

³⁹Áko hanáádaasdzií' go ádahodíiniid, Éíbraham éí danihizhé' é nít' éé'. Jesus ánááhodoo' niid, Éíbraham ba' áłchíní danohíjigo la', Éíbraham yaa naayahígíí baa naahkai doo nít' éé'. ⁴⁰Diyin God bits' áádéé' t' áá aaníinii diséts' á' ígíí t' éiyá bee nihíł hweeshne', nidi k' ad dahodiyiilyéel dashíínóh' ní. Éíbraham éí doo ákódzaa da. ⁴¹Nihí nihizhé' é yaa naagháhígíí baa nidaahkai. Áko ádahodíiniid, Nihí doo adilyé bee danihi' dizhchíí da,

áko nihiTaa' t' áálá' í, éí Diyin God. ⁴²Nít' éé' Jesus áhodíiniid, Diyin God nihiTaa' go la', ayóó' ádashíínóh' ní doo nít' éé', háálá Diyin God bits' áádéé' níyá; doo t' áá shíniik' eh níyáa da, nidi bí shinił' a'. ⁴³Hait' éegoshá' yáshti' ígíí doo bik' ida' doohtíj da? Jó, t' áá íiyisí doo t' áá k' ad shizaad dasidoots' áq̄ daígíí bee át' é. ⁴⁴Níłch' i bida' iiníziinii binanit' a' í danihizhé' é át' é, éí bits' áádéé' dahosool' íí', éí nihizhé' é nilíinii laanaa nízinígíí t' éí bida' ol' í. Éíyee' hodeeyáádéé' diné neiltseedii nilí, áko t' áá aaníinii doo ádíidéélt' i' da, háálá t' áá aaníinii bii' ádin. Biyooch' íidgo t' áá bí át' éii yee ádaa yáłti', háálá biyooch' iidii nilí, áádóó wooch' íid yizhé' é nilí. ⁴⁵Nidi

t'áa aaníinii bee nihił hashne'go baą, doo dashoohdláą da. ⁴⁶Nihitahdóosą' hái baąhági át'ėii yee shik'ihodoo'ah? T'áa aaníinii bee nihił nahashne'go, hait'ėegosą' doo dashiinohdláą da? ⁴⁷T'áa háiida Diyin God bits'ąąđėę' ajít'ínigíí ėi Diyin God bizaad jidiits'a', nidi nihi doo dayísółts'ąą' da, háálá doo Diyin God bits'ąąđėę' ádaaht'jii da.

Éibrahám t'áa bitsėedi honishłó

⁴⁸Áko Jew dine'ė ánáádahodoo'niid, Samériya dine'ė ła' niljigo, nilch'i bi'iiníziinii niyi'di hóló, dandii'nínigíí da' ėish doo t'áa aanígóó ádandii'nii da?

⁴⁹Jesus ánáádooníid, Shí doo nilch'i bi'iiníziinii shiyi'di hólóq da, nidi shí shiTaa' shil niljigo ínínisin, áko nihi doo nihił danishłjii da. ⁵⁰Ákondi t'áa shí bee ayóó ánisht'ėe dooleeli doo hasht'jii da; t'áa łashdilt'ėhi t'ėi bee ayóó ánisht'ėii hoł niljigo hájít'j, áko ėi á nihojii'aah doo. ⁵¹T'áa aaníi, t'áa aanígóó ánihidishní, T'áa háiida shizaad bik'eh hojil'jigo, ėi doo dazdootsaal da. ⁵²Áko Jew dine'ė ánáádahodoo'niid, K'ad ląą, nilch'i bi'iiníziinii niyi'di hólóqogo nihił bėedahoozin. Éibrahám daaztsą, Diyin God yá dahalne'ii nít'ė'ígíí alđó' daneezná, nidi ádíní, T'áa háiida shizaad bik'eh hojil'jigo, ėi doo dazdootsaal da.

⁵³Da' niish nihizhé'ė Éibrahám yęę biláahgo ayóó ánit'ė? Ɛi daaztsą, Diyin God yá dahalne'ii nít'ė'ígíí alđó' daneezná! Ákosą' hái i'dil'j? ⁵⁴Nít'ėe' Jesus ánáádooníid, T'áa shí ts'ídá ayóó ánisht'ė i'dishnéehgo ts'ídá ayóó ánisht'ė i'dishnéhígíí ėi t'áadoo shá nídoodleełi da, nidi shiTaa' ayóó ánisht'ėego áshósinígíí, Ɛi nihi nihiDiyin God, dadohní. ⁵⁵Nidi nihi doo hwėedahonohsin da; shí hwėéhasin. Doo

hwééhasin da, dishnígo, t'áá nihígi áníst'éego shiyooch'iid doo nít'ée', nidi hwééhasingo hazaad bik'eh honish'í. ⁵⁶Éíbraham nihizhé'é yéé sheidookálgíí yiidoołtséelgo yaą bił hózhóq nít'ée', áko yiyiiltsáago bił hóózhóq. ⁵⁷Jew dine'é ánáadahodoo'niid, T'ah doo ashdladiin nináháah da, da' ákoósh Éíbraham yiniłtsá? ⁵⁸Jesus ánááhodoo'niid, T'áá aaníí, t'áá aaníígóó ánihidishní, Éíbraham t'áá bítséedi honishłó. ⁵⁹Ákohgo dahwíídínóolniil biniyé tsé nídayiizláá', nidi Jesus éi [diné bitahgóó ch'izhniyáago] bits'ąą nízhdeest'íí', áko kin bii' sohodizin bił haz'ánígíí biyi'dóó ch'izhniyá.

JOHN 9

Jesus éi diné t'áá bi'dizhchíí'déé' doo oo'iinii nédiisá

¹Jesus joogáal nít'ée' diné ła' t'áá bi'dizhchíí'déé' doo oo'íí da léi' jiiltsá. ²Áko hódahool'aahii nidahódéélkid, Na'nitíni, háisha' bąhági ádzaa, díi diné daats'í, hashchíinii daats'í bąhági ádzaago biniinaa doo ajoo'íígóó ho'dizhchí? ³Jesus áhodíiniid, Díi diné bąhági ádzaii, doodaii' bishchíinii bąhági ádzaii doo biniinaa da, nidi Diyin God bibee adziilii yee áánílii bee bééhodooził biniyé ádzaa. ⁴T'ah hool'inídáą' shiníł'a'ii binaanish ts'ídá baa naasháa doo; jó, t'ée' haleehgo diné doo ła' naalnish da. ⁵Nahasdzáan bikáá' naasháago, nihokáá' dine'é bá adinídíin nishłí.

⁶Ákót'éego haadzí'go, leezh yik'ideezhée'go bizhée' yee hasht'ish áyiilaago diné doo oo'ínigíí binák'eegi yíiztlée', ⁷áádóó áyidíiniid, Nílaáh, Sailóom tó sikánígíí biyi' tá'ádígis (Sailóom jiníigo éi Eel'a' jiníigo óolyé). Ákqó jiníyáago tá'ázdeesgiz, áko áádéé' ajoo'íigo nídzídzá. ⁸Bił kéédahojit'ínigíí índa doo ajoo'íigóó dahoo'íi nít'é'ígíí ádadíiniid, Díí sidáago adókeed yéé át'íi ya'? ⁹La' ádaaní, T'áá éi át'í; náadaala' ádaaní, Dooda, ts'ídá t'áá akónóolnin léi' át'í. T'áá hó ájíní, Shí lá éi ásht'í ni. ¹⁰Áko ádahodíiniid, Ákosha' haa yit'éego íini'í nísínídlíí'? ¹¹Hadzoodzí'go ánáázhdoo'niid, Diné léi' Jesus wolyéhígíí éi hasht'ish áyiilaago shináá' yíiztlée'go áshidíiniid, Nílaáh, Sailóom tó sikánígóó dínááh, áadi tá'ádígis, áko ákqó niséyáago tá'adésgiz, nít'éé' eesh'í sélíí'. ¹²Ádahodíiniid, Ákosha' éi háadi naaghá? Éi ábizhdíiniid, Doo shíł bééhózin da.

Férisii danilíinii diné náabi' diilzáii nidayídíikid

¹³Diné doo oo'íi da nít'é'ígíí Férisii danilíinii yich'í' yil daaskai. ¹⁴Jó'áko nít'éé' háá'áyííh jíí góne' Jesus hasht'ish áyiilaago ajoo'í áhoolaa lá. ¹⁵Férisii danilíinii nináadahódeélkidgo ádaaní, Hait'éegosha' íini'í sínííí'? Áko ábizhdíiniid, Jesus éi hasht'ish shináá' yíiztlée'go tá'adésgiz, áko eesh'í sélíí'. ¹⁶Díí biniinaa Férisii danilíinii la' ádadíiniid, Díí diné doo Diyin God biníł'a' da, háálá háá'áyííh jí doo bił nilíi da. Náadaala' éi ádadíiniid, Ákosha' haa yit'éego diné baqháagi áániílii nilíigo kót'éego Diyin God bibee adziilii bee béédahózinii yaa naagháa dooleel? Áko haniinaa alts'a'áldah. ¹⁷Diné doo oo'íi da nít'é'ígíí ánáádeidoo'niid, Nisha' íini'í ániilaagíí ha'át'íí bidiní? Áko ázhdíiniid, Diyin God yá halne'ii nilí, bidishní.

¹⁸Nidi Jew dine' é t'áa aaníi doo ajoo'íi da nít'ée'go ajoo'í dzizlí'ígíi doo dayoodláa da, diné ajoo'í dzizlí'ígíi hashchíinii yíká nida'as'a'go índa, ¹⁹éi nidayídeélkidgo ádaaní, Da' díísh nihiyázhí át'í, t'áa doo oo'íigóo yizhchí dohnínígíi? Ákosha' k'ad haa yit'éego oo'í? ²⁰Hazhé' é áádóo hamá ádíniid, Díi nihiyázhí át'í, áádóo doo oo'íigóo shiilchíigo nihíi bééhózin, ²¹nidi haa yit'éego shíi'í ajoo'í dzizlíi' éi doo nihíi bééhózin da, hái shíi'í ajoo'í áhoolaa, éi áldó' doo nihíi bééhózin da. Jó, nizinísá, t'áa hó nidahódólkid; t'áa hó haash yit'éego ádá hazdoodzih. ²²Hashchíinii éi Jew dine' é yináldzidgo ákódíniid, háálá diné lá' da, T'áa aaníi Christ át'í, jiníigo hadzoodz'ígíi éi Jew dine' é álah nádleezii bitahdóo ats'áhodi' doolt' eelgo t'áa ídáá' Jew dine' é yee lá'í daazlíi'go hondahaz'á. ²³Éi biniinaa hashchíinii ádíniid, Jó, nizinísá, t'áa hó nidahódólkid.

²⁴Áko doo oo'íi da nít' é'ígíi hágo náádeidoo'niidgo ádeidíniid, Diyin Godjigo baa hóni; díi diné éi baqahági ááníi'íi nilíigo nihíi béédahózin. ²⁵Áko ánááadoo'niid, Baqahági ááníi'íi daats'í nilí, éi doo shíi bééhózin da; t'áálá'í t'éiyá shíi bééhózin, doo eesh'íi da nít'ée', nidi k'ad eesh'í. ²⁶Áko ánáádahodoo'niid, Haasha' niilaa? Hait'éegoshá' íni'í'í ániilaa? ²⁷Áko ánáábizhdoo'niid, T'áa ídáá' bee nihíi hweeshne', nidi t'áadoo dasidoots'áa' da. Ha'át'íishá' biniyé náadadidoohs'íi'í? Da' nihíish áldó' bídahool'aahii daniidlíi doo danohsin? ²⁸Áko dahwéédzii'go ádaháni, Ni éi bóhool'aahii nilí, nidi nihí éi Mózes yídahool'aahii daniidlí. ²⁹Diyin God éi Mózes yich'í' haadzii'go nihíi béédahózin, nidi díi diné naaghááde' doo nihíi béédahózin da. ³⁰Éi diné ánááhodoo'niid, Yáa

t'áadoo le'égi át'ée lá! Naagháádéé' doo nihíł
 béedahózin da, nidi eesh'í áshiilaa. ³¹Jó, nihíł
 béedahózingo baqhági ádaaniíłhi éi Diyin God doo
 bíists'ąą' da, nidi t'áa háiida Diyin God yich'í' nahałáii
 áádóo t'áa éi yíni' yí'ósinii, éi t'éi Diyin God bíists'ąą'.
³²Nahaszáán hazłí' dóo wóshdéé' t'áa doo oo'í'ígóo
 bi' dizhchíinii oo'í' ályaa t'ah doo ha'niihígi da. ³³Áko éi
 diné doo Diyin God biníł'a' dago, ha'át'íhída doo ła'
 yil'í' dadooleel nít'ée'. ³⁴Áko ánáadahodoo'niid, T'áa
 baqhági ánít'éego ni'dizhchí, da' ákoósh nanihinítin?
 Áko Jew dine'é áłah nádlehdóo yits'adahast'e'.

Níłch'i k'ehgo doo oo'í' da

³⁵Áts'ádadzist'e'ígíí Jesus yiyíinii', áko hak'íníyáago
 áhodíiniid, Da' Diyin God bi'Ye'ésh yinídláago baa
 dzíiníłi? ³⁶Áko ázhdíiniid, Bóhólníihii, háisha' éi ájt'í,
 áko hooshdláago haa dzíiníshłhi dooleel? ³⁷Nít'ée' Jesus
 áhodíiniid, Jó, níníł'í, nich'í' yáłti'ígíí éi át'í. ³⁸Áko
 ázhdíiniid, Bóhólníihii, k'ad ląą ooshdlá, áko bich'í'
 nitsizhdinígó'go nahodzisá. ³⁹Jesus ánáadoo'niid, Diné
 baa násht'í' doo biníyé díi nahaszáán bikáa'jii' níyá, éi
 doo da'oo'ínígíí da'oo'í' dooleel biníyé, da'oo'ínígíí
 doo da'oo'í' da doo ałdó' biníyé. ⁴⁰Férisii daníłíinii ła'
 hwiighahgi naazínígíí dahodiiizts'ąą'go ádahodíiniid,
 Da' nihíish ałdó' doo da'iit'í' da? ⁴¹Jesus áhodíiniid,
 Doo da'oh'í'ígóo ła' t'áadoo bee nihik'ídahót'ahí da doo
 nít'ée', nidi k'ad éi, Da'iit'í, dadohní, áko t'áa ádił
 da'íłziihii danohłí.

JOHN 10

Dibé bighan binahjì' hane' bee ak'idi' dootjìhii

¹T'áá aaníí, t'áá aaníígóó ánihidishní, T'áá háiida dibé bighan bich'é'étiindéé' doo yah anádáhígíí, nidi t'áá háádéé' da yitis ná'nahígíí, t'áá éí ani'jìhii áádóó agha'ii'nííhii nilí, ²nidi ch'é'étiindéé' yah anádáhígíí éí dibé yaa áhályáanii nilí. ³Éí dán' dítjìhí yaa áhályáanii bá aq néiditjìh; dibé biinéé' deidiits'a', áko t'áá bí bidibé dabízhi' yee yózhígo, yá ch'éhéghááh. ⁴T'áá bñhígíí t'áá altso ch'ínéi'nilgo yiláajì' naagháago dibé bikéé' naakai, háálá biinéé' yéédahósín. ⁵Diné doo yéédahósínii éí doo yikéé' dah didoojah da, nidi t'óó yits'áq' dah didoojah, háálá doo yéédahósínii biinéé' doo yéédahósín da. ⁶Díí hane' bee ak'idi' dootjìhii Jesus yee hach'ì' haadzíí', nidi yee hach'ì' haadzí'ígíí t'áadoo bik'idazh'diitáq da.

Jesus yá'át'éehgo dibé yaa áhályáanii

⁷Áko Jesus anááhodoo'niid, T'áá aaníí, t'áá aaníígóó ánihidishní, Shí dibé bich'é'étiin nishjì. ⁸Shítséedi nidahaaskaígíí t'áá altso da'ni'jìhii índa aghada'ii'nííhii danilí, áko dibé doo dabidiits'a' da. ⁹Shí ch'é'étiin nishjì; t'áá háiida shí shee yah íiyáhígíí yisdádooltééł, áádóó yah anáadááh índa ch'ínáadáahgo hootsojì' anáháadáah dooleeł. ¹⁰Ani'jìhii adínóó'jìł áádóó ni'dooltsil' índa í'dooljìł t'éiyá yiniyé nádááh, nidi shí t'éí shidibé iiná bee dahólóq dooleeł, áádóó ląago bee dahólóq dooleeł biniyé níyá. ¹¹Shí yá'át'éehgo dibé yaa áhályáanii nishjì. Yá'át'éehgo dibé yaa áhályáanii éí t'áá bí dibé yich'áqah niná'adiit'aah. ¹²Ákondi

adeenáago naalnishii éi doo na'niikaadii niłji da, éi dibé doo t'áá bí biljii'góo biniinaa ma'iitsoh éi dibé yich'ji' yilwołgo yiyiitséehgo, dibé t'áá ákóogo dah díníichééh, áko ma'iitsoh éi dibé ła' yił nehedił áádóo ła' baa taojah. ¹³Háálá éi t'óo adeenáago naalnishgo baq dah díníichééh, áko dibé t'óo yaa yoonah. ¹⁴Shí yá'át'éehgo dibé yaa áhályáanii nishji, shihígíi béédahasin áádóo shihígíi shéédahósin. ¹⁵T'áá aTaa' shééhósin áádóo aTaa' bééhasinigi át'éego,

áko t'áá shí she'iina' dibé bich'áq̄h ninádinish'aah. ¹⁶Dibé náánála' shee nááhódló, nidi éi díi shijé'ígíi doo bitahdóo da; éi aldó' shóideesht'eelgo shiinée' deidiits'a' doo. Áko t'ááláhígóo shijée' dooleel, índa dibé yaa áhályáanii t'áálá'í dooleel. ¹⁷Éi baq she'iina' t'áá shí náádideeshdléel biniyé ninádinish'aah, éi baq shiTaa' ayóó'áshó'ní. ¹⁸Éi diné doo ła' shighaidoolyéel da, nidi t'áá shiniik'eh ninádinish'aah. Bee óhólníih shee hólóogo ninádinish'aah, áádóo bee óhólníih shee hólóogo náádideeshdléel; díi bi'deeshłiłgo shiTaa' bibik'eh ó'oo'niłii át'é.

¹⁹Áko éi saad bee hadzoodzi'ígíi biniinaa Jew dine'é ałghanáada'dit'áahgo alts'ákah. ²⁰Áko ła'í yilt'éego ádadíiniid, Níłch'i bi'iiníziinii hayi'di hólóogo, diigis jilji lá; ha'át'íish biniyé dahwíisólts'áq̄? ²¹Ła' ádaaní, Díi saadígíi doo níłch'i bi'iiníziinii bii' hólóonii ła' bizaad át'é da. Da' níłch'i bi'iiníziiniish doo oo'íini oo'jigo iidoolíł?

Jew dine'é éi Jesus bił nidazdiilnił dayó'ní

²²Íídáá' Jerúsalemdi, kin bii' sohodizin éí Diyin God bá
 ats'át'ánígíí bee bééhániihgo biniit'aa hodílingo álah
 ná'ádleehígíí baa nááhoolzhiizh, áko íídáá' hai, ²³nít'ée'
 kin bii' sohodizin bich'éeedáá'gi, Sálaman bichaha'oh
 góne' Jesus nijighá. ²⁴Áádóo Jew dine'é haa álah
 silíí'go ádahodíniid, Haa nízáágóoshá' náás nihinií'ah
 doo? Christ nííí ládáá', t'áa bééhózinigo bee nihił
 hólne'. ²⁵Áko Jesus ábidíniid, Nihł hweeshne' ląą, nidi
 t'áadoo deisoohdłąą da. ShiTaa' bízhi' bee naanish baa
 naasháhígíí, éí bee Christ nishłjigo nihił béedahózin,
²⁶nidi doo dashoohdłąą da, háálá [t'áa ánihidíniidigi
 át'éego] doo shí shidibé danohłj da. ²⁷Jó, shidibé
 shiinée' deidiits'a', áádóo béedahasingo shikée'
 nidaakai, ²⁸índa iiná doo ninít'i'ii baa hidish'aah, áko
 ts'ídá doo ádadoodłj da, doo nidi ła' da shilák'eedóo
 haidiyoolháł da. ²⁹ShiTaa' t'áa altso biláahgo ayóo
 ájt'éii, éí dibé shaazhníilígíí doo ła' shiTaa'
 bílák'eedóo haidiyoolháłgo yíneel'áni da. ³⁰Shí índa
 shiTaa' t'áálá'í niidł.

³¹Ákohgo Jew dine'é hoł nidazdoołnił biniyé tsé
 nínáadayiisdłáá'. ³²Nít'ée' Jesus ánáábidoo'niid,
 ShiTaa' bits'ąđéé' naanish yá'ádaat'éehii lą'í nihináál
 baa niséyá, áko háidíigiishá' biniinaa shł nidaznołne'?'
³³Jew dine'é ánáadahodoo'niid, Yá'át'éehii baa
 nanináhígíí biniinaa doo nił nidazniilne' da, nidi Diyin
 God doo díńisingóo baa yánłti'ígíí biniinaa,
 háálá t'áa diné níłjigo Diyin God í'díl'j. ³⁴Jesus
 ánáábidoo'niid, Diyin danohłj, díniid,

da' doósh nihibee haz'áanii bii' bee ak'e'ashchj da?

³⁵Diyin God bizaad baa deet'ánígíí, Diyin danohłj,

yidíniidgo, jó, Diyin God bizaad bee ak'e'ashchínígíí doo łahgo ádoonił da. ³⁶Áko Diyin God biYe' nishłı́, dishnínígíí baą ha'át'éegoshą', Diyin God baa'ihgo baa yáníłti', dashidohni? Jó, aTaa' ats'áshiniłtį́igo nahasdzáán bikáa'jį' shinił'a'. ³⁷ShiTaa' binaanish doo baa naasháágóogo t'áadoo dashiinohdlání, ³⁸nidi éi baa naasháago azhá shí doo dashiinohdląą da nidi, naanish baa naasháhígíí éi deinohdlą, áko aTaa' shiyi'di hóló, shí aldó' biyi'di honishłónígíí nił bédahodooziįigo deidoohdląą.

³⁹Éi baą dahwiidiiltsoł ch'ééh náadaniidziį' nidi, bits'ąą' dah náazdiidzá. ⁴⁰Áádóo Jórdan tsé'naagóo anáadzoodzá, John tó yee asį́ihgo hahoolzhiizh yéęjį',

ákwii nijigháá nít'ée'. ⁴¹T'óo ahayóí haa haaskaigo ádaaní, John éi Diyin God bibee adziilii bee bééhózinii doo ła' yaa naayáa da, nidi John díi diné yee yaa hoolne'ígíí t'áa altso t'áa aaníi lá. ⁴²Áko ákwii t'óo ahayóí dahoosdłaadgo haa dadzoozłíí'.

JOHN 11

Lázaras daaztsą

¹Nít'ée' Béthaniidi diné léi' Lázaras wolyéego daatsaah, éi kin shijaa'idi Mary áádóo bádí Martha

yıl kééhat'į. ²Mary éi ak'ah íłinii Bóhólníihii bik'i yadziiziid áádóo hatsii' bee bikee' bá jíit'ódígíí

éi halah Lázaras daatsaah. ³Áko halahkéi Jesus yich'í' i'íí' a' go áni, Bóhólníihii, diné ayóó'íini'nínigíi daatsaah. ⁴Jesus éi yidiizts'áa' go ádíiniid, Díi da'atsaahígíi doo bik'ee da' dootsaał da, nidi Diyin God ayóó át'ei bee bééhodooziłgíi biniyé át'é, áko Diyin God biYe' t'áa éi bee ayóó ájit'éego áhodi'doolníł ałdó' biniyé át'é.

⁵Jó, Jesus éi Martha áádóó bideezhí inda Lázaras ayóó'áyó' ní. ⁶Áko dadzitsaahígíi yiyíini' go, t'áa ákwii naagháago naaki náanéiská. ⁷Áádóó bik'iji' inda hódahool'aahii ábizhdíiniid, Tí', Judíyagóó náádiikah. ⁸Áko hódahool'aahii ádahodíiniid, Na'nitini, shaá' t'áa áhodeezniidigo Jew dine'é hoł nidazdiłnił danó'nii ni'. Da' ákoósh ákqó náadínidzá? ⁹Jesus ánáádoo'niid, Ła'a jínigíish biyi' doo naakits'áadahdi ahéniná'álki' da' Áko t'áa háiida jįigo naagháhígíi, éi doo digeeh da, háálá díi nahasdzáan bá hool'inígíi yoo'í. ¹⁰Nidi t'áa háiida t'ée' go naagháhígíi, éi nidígoh doo, háálá hool'inígíi bii' ádin. ¹¹Kót'éego hadzoodzi' go ánáábizhdoo'niid, Nihik'is Lázaras ałhosh, nidi ajiłhoshdée' ch'ééhodeesił biniyé déyá. ¹²Hódahool'aahii ádahałní, Bóhólníihii, jó, t'óó ajiłhaazhgo k'ad shįį náazhdidoodáał. ¹³Jesus éi Lázaras daaztsánigíi áahyiłní, nidi hanályįihgo ałhoshígíi áahyiłní daznizin. ¹⁴Áko inda t'áa bééhózínigo hoł hoolne', Lázaras éi daaztsá, ¹⁵áko da'iidoohdlaął biniyé doo áadi naasháa da nít'é'ígíi baą shił hózhq, háálá éi nihá yá'át'ééh. T'áa áko nidi bich'í' diikah. ¹⁶Áko Thomas, Naakií hodi'nínigíi, bił idahojił'aahii ábizhdíiniid, Haa'ishá' nihí ałdó' Jesus bił dadíni' néel biniyé ákqó diikah.

Jesus éi náá'diijeeh índa iiná nilí

¹⁷Nít'ée' Jesus ákwe'é jiniyáago díí' yiskánidáá' tsení'ootséel góne' Lázaras yóo'ályaago hoł bééhoozin.

¹⁸Jerúsalemdóo Béthaniiji' t'áa áyidí, naakidi tsin sitá daats'í ánizah, ¹⁹áko Jew dine'é la'í éi Martha índa Mary bilah daaztsánigíi hadayi' ayoolniih doo biniyé yaa haaskai. ²⁰Martha éi Jesus aadéé' yigáligíi jínii'go dashdiiyáago bidáashniyá, Mary éi t'áa kin góne'é sidá.

²¹Martha éi Jesus áyidiíniid, Bóhólníihii, kwe'é nanináago, shilah doo daaztsáa da doo nít'ée'. ²²T'áa k'ad nidi Diyin God t'áa ha'át'ihída, Shá aniléeh, bidíiniidgo, éi Diyin God ná ídoolíilgo shil bééhózin.

²³Jesus áhodíiniid, Nilah yéé náádíoodáa. ²⁴Áadóo Martha ánáázhdoo'niid, Niinilkáadi da' neeznáadéé' náa'di'yiijeehgo atah hinááh nízhdoodleelgo shil bééhózin ni. ²⁵Jesus ánááhdoo'niid, Shí náa'di'yiijeeh índa iiná nishí; t'áa háida shoodláago sheidzólíii éi daaztsáa nidi, hináa doo, ²⁶índa t'áa háida hiná áadóo shoodláago shaa dzólihígíi éi ts'idá doo dadootsaal da. Da' díish yinídlá? ²⁷Martha ánáázhdoo'niid, Aoo', Bóhólníihii, ni éi Christ, Diyin God biYe' nílíigo nahasdzaan bikáa'ji' nínááh hodoo'niid yéé wooshdlá.

Jesus yicha

²⁸Kót'éego hadzoodzii'go dashdiiyá, áko hadeezhí Mary, hágo bizhdíiniidgo t'áa nahont'inee ábijini, Na'nitini níyá, áko hágo niłni. ²⁹Áko t'áa jidiizts'áa'góo, tsíilgo nízhdii'na'go bich'í' jiniyá.

³⁰Ákohgo Jesus t'ah doo kin shijaa'igi jígháah da, nidi t'ahdii Martha hadááh níyáhigi nijighá. ³¹Áko Jew dine'é wóne'é Mary yil naháaztáago yik'i dahałta'ígíi,

éi Mary tsíłgo nízhdií'na' go ch'izhniyáhígíí
 dayiiltsáago, Tsení'ootséeldi jidoochxah biniyé ákóó
 jideeyáá lá, daanígo hakéé' ch'ékai. ³²Mary éi Jesus
 sidáhíjį' jiniyáago Jesus jiiłtsáago, bich'į'
 nitsizhdinigo'go ájini, Bóhólniíhii, kwe'é nanináago,
 shilah doo daaztsáą da doo nít'ée'. ³³Mary jichago
 áádóó Jew dine'é hoł yikaígíí áldó' daachago, Jesus
 yiyiiltsáago bii' siziinii t'áa iyisi bidiisnáa'go
 nitseeltłah, ³⁴áko ádiiniid, Háadisha' nidahosoolti?
 Áádóó ádahodíiniid, Bóhólniíhii, ti' ákóó, díníł'įł.
³⁵Jesus atídiinesdlį'. ³⁶Nít'ée' Jew dine'é ádadíiniid,
 Jó'akon, dooládó' ayóó'áyó'nii da nít'ée' lá!
³⁷Náadaala' ádaaní, Diné doo oo'įįgóó oo'į' ayiilaii, da'
 díi diné doo dadootsaalgóó ídoolłilgiish doo yíneel'ąą
 da?

Lázaras daaztsáądęé' náabi'diilzá

³⁸Jesus, t'áa hayi'idi ninaáhwiisnáa'go tsení'ootséeldi
 jiniyá; éi tseníhoodzáago tsé dáadíni'á. ³⁹Áko Jesus
 ádiiniid, Tsé nówehji' oolmaás. Nít'ée' diné
 daaztsánígíí bilah Martha áháłni, Bóhólniíhii, k'ad
 jilchxon dzizłį', háálá dį' yiskánidąą' dadziztsá.
⁴⁰Jesus ánáázhdoo'niid, Da' doósh bee nił hweeshne'
 da, iinídląago Diyin God yee ayóó át'ėii yidiłtséel?
⁴¹Áko [Lázaras yóó'ályaaigi] tsé nahji' adadzismááz.
 Jesus dego déé'į' go áni, ShiTaa', shidisínits'a'ígíí
 nich'į' baa ahééh nisin. ⁴²T'áa áłahji' shidinit's'a'ígíí
 shil bééhózin, nidi díi diné kóó naazínígíí shiínł'a'ígíí
 deidoodłął biniyé bináál ádíshni. ⁴³Kót'ėego
 hadzoodzi'go, yėego hazhdoolghaazhgo ázhdiiniid,
 Lázaras, wóshdęé' ch'íninááh! ⁴⁴Nít'ée' dadziztsánígíí
 naak'a'at'áhi daalgaii hála' áádóó hakee'

bik'idadeesdizgo, haniijj' aldó' bee ádí'toodi
bik'ideesdizgo ch'izhniyá. Áko Jesus áhodíniid, Hak'i
nída'ooh'áadgo, hodadohchiid.

Jesus diyoolyéelgo binahast'á

(Mt. 26:1-5; Mk. 14:1,2; Lk. 22:1,2)

⁴⁵Áko Jew dine'é la'í Mary yil yíkaígíí, Jesus yaa
naayáhígíí dayiiltsáago dayoosdlaadgo yaa dadzoolíí',
⁴⁶nidi náadaala' t'éiyá Férisii danilíinii yich'í'
aheeskaigo Jesus yaa naayáhígíí yaa dahoolne'. ⁴⁷Áko
aláahgo náada'iilniihii índa Férisii danilíinii éi yá
nidaha'áii álah ádayiilaago

ádadíniid, Haasha' dadii'níí? Jó, díí diné bibee adziilii
bee béedahózinii láágóo yaa naaghá. ⁴⁸Áko éidíígíí doo
bee baa nídeiit'íígoogo, diné t'áa altso dabiidoodlaqł,
áadóo Rome dine'é dadookahgo nihihodiyingo
haz'ánígíí índa nihidine'é éi nihikéyah t'áa bił t'áa
haz'áq nít'ée' nihits'áq' deidoolchxqł. ⁴⁹Nidi álah
silí'ígíí la', éi Kéiyafas joolyéego t'áa éi yihahígíí biyi'
aláahgo náa'iilniihii jilíigo, hadzoodzi'go ájini,
T'áadoo nihil' béedahóziní da; ⁵⁰diné t'áalá'ígíí diné
t'áa altso yá dadootsaalgo, áko Jew dine'é doo t'áa át'é
ádooldjilgóo nihá yá'át'éhígíí, éi doo baa nitsidaahkees
da. ⁵¹Éi doo t'áa haniik'eh hadzoodzi' da, nidi t'áa éi
yihahígíí biyi' aláahgo náa'iilniihii jilíigo, Jesus éi Jew
dine'é yá dadootsaal jiníigo t'áa bitséedi áhodoonílii
baa hojoolne', ⁵²áadóo doo t'áa éi dine'é t'éiyá bá da,
nidi Diyin God ba'álchini t'áa níltéel nít'ée'
tadaoskaígíí t'áaláhijj' álah íidoolíil' aldó' biniyé. ⁵³Áko
éi bijjídóo dahodiyool'héligíí t'éi yaa nídaat'í. ⁵⁴Éi baq

Jesus doo t'áa yit'iní Jew dine'é bitaa náájídáa da, nidi áádóó honoojí biighahgi kéyah léi'góó, Ílfreyim hoolyéego kin haal'áhígóó jiniyá, áko áadi hódahool'aahii bił nijikai nít'ée'.

Jesus yidooltsoł hodoo'niid

⁵⁵Áádóó Jew dine'é bi'atis'adeesdzá bee bééhániihii k'adéę baa hoolzhíish, áko atis'adeesdzá bee bééhániihii t'ah doo baa hoolzhíishgóó ádidazhdi'dooldah biniyé t'óó ahojíyói hakédaayahdóó Jerúsalem góde adziiskai. ⁵⁶Áko Jesus hádazdéę'í'go kin bii' sohodizin bił haz'áa góne' nidzizigo áda'ahizhdi'ní, Haash yit'éego nitsídaahkees? hodílingo álah ná'ádleehíj' daats'í doo jidoogáał da? ⁵⁷Jó, aláahgo náada'iilniihii índa Férisii danilíinii yee dahool'a'go ádadíiniid, Dine t'áa háida Jesus naagháhigi hoł bééhózinígíí éi baa hozhdoolnih, áko deidiiltsoł.

JOHN 12

Jesus éi Béthaniidi ak'ah bee ats'áltj

(Mt. 26:6-13; Mk. 14:3-9)

¹Atis'adeesdzá bee bééhániihii hastáah yiská hadziihgo, Jesus éi Béthaniidi, Lázaras daaztsááđéę' náábizdiisáhígíí kééhat'íjgi jiniyá. ²Ákwe'é hílch'j'go ch'iyáán há ádayiilaago, Martha hach'j' ni'iizká, áádóó Lázaras éi atah bikáá' adání bich'j' hoł dah neezké.

³Mary éi ch'il nard wolyéii bee ak'ah ályaii, t'áa bízhání t'áa íiyisí ílínígíí t'ááláhídí dah hidédlo'go dashdiikáago Jesus bikee' bikáa'jji' yadziiziidgo hatsii' bee bikee' jíit'óód,

áko kin góne' t'áa át'é ak'ah líkání halchingo hadéébjíid. ⁴Nidi hódahool'aahii ła', Júdas Iskáriyat, éi nináhodidoo'álgííí ádíniid, ⁵Díí ak'ah táadi neeznádiin denériyas bááh íljiigo nahaaznii'go ha'át'éegoshá' t'áadoo badahojoo'á'ígíí bitaasnii' da? ⁶Díí hadzoodzí'ígíí doo t'áa aaníí badahojoo'á'ígíí baa nitsídzikeesgo hadzoodzii' da, háálá ani'jhií jílí, jó, béeso bízis niji'áago, béeso yíih dayiinílgíí jini'jhi. ⁷Áko Jesus ádíniid, T'áadoo haa nánit'íni, yóó'áshidi'doolnííł beinílkáadi biniyé ádziidzaa. ⁸Badahojoo'á'ígíí t'áa álahji' nihitaa daakai,

nidi shí éi doo t'áa álahji' nihitaasháa da.

Lázaras diyoolyéelgo binahast'á

⁹Áko Jew dine'é éi ákwii Jesus nijigháago dayíinii'go haa nánisá, nidi doo t'áa hó t'éí haniyé da, nidi Lázaras daaztsáá nít'éé'go náábizdiisáhígíí áldó' deidoołtséel biniyé haa nánisá. ¹⁰Áko aláahgo nááda'iiníihii éi Lázaras áldó' deidiyoołhéełgo yindahaz'á, ¹¹háálá hó haniinaa Jew dine'é t'óó ahayóí ats'askaigo Jesus dayoosdláad.

Jesus ak'eh deesdlíí'ii k'ehgo Jerúsalem góne' íiyá

(Mt. 21:1-11; Mk. 11:1-11; Lk. 19:28-40)

¹²Áádóó biiskání t'óó ahayóí hodílzingo álah
ná'ádleehígi neheeskaígíí Jerúsalemjì' Jesus yigáałgo
dayíinii'. ¹³Áko páam bi'iil dayiizti' áádóó hadááh
yíkaiigo hadadeeshghaazhgo ádaaní,

Baa ha'niih doo!

Bóhólníihii bízhi' bee bi'dójjigo yigáłgíí,

Ízrel dine'é Aláahgo biNanit'a'í nilíinii, bik'ihojidlii
doo!

¹⁴Jesus éi télíi yázhí bik'izhniyáago bik'í dasneezdá;
t'áá bee ak'e'ashchínígi át'éego:

¹⁵Záiyán bich'é'é nilíinii, t'áadoo nil'yé'í;

jó'akon, Aláahgo niNanit'a'í nilíinii

télíi yázhí yik'í dah sidáago bił yigáát.

¹⁶Kót'éego ádahóót'íidígíí hódahool'aahii t'áadoo
yik'ida'diitáą da, nidi Jesus ayóó át'éii ábi'diilyaago
índa kót'éego haa hane'go bee ak'e'ashchínígíí áádóó
kót'éego hach'í' ádaát'íidígíí yéédáálnii'. ¹⁷Áko Lázaras
daaztsáą nít'éé'go náábizdiisáago, Tséni'ootsééldéé'
ch'íninááh, bizhdíiniidígíí diné t'óó ahayóí hoł naakaii
yaa dahoolne'. ¹⁸Diné la'í díí Diyin God bibee adziilii
bee bééhózinii baa nijiyáago deidiizts'á'ígíí biniinaa
hadááh heeskai. ¹⁹Áko Férísii danilíinii áda'ahidi'ní,
Jó'akon, nihí ch'ééh ádaal'í; jó, nihokáá' dine'é t'áá
yíl'áá nít'éé' bikéé' dah diikai.

Gríik dine'é la' Jesus hadeintá

²⁰Áádóó ła' nidahodoołaał biniyé hodíłzingo áłah ná'ádleełhí góde yíkaígíí bitahdę́ę' Griik dine'é ła' yíkai lá. ²¹Áko éi Philip, Gáliliigi Bethséyida hoolyéédóo naagháago yaa yíkaigo ádeidíniid, Kwá'ásini, Jesus dadzoołtséel laanaa daniidzin. ²²Áko Philip éi Andrew yaa níyáago yee yił hoolne', áádóo Andrew índa Philip éi Jesus yaa ní'áazhgo yee yił nááhoolne'. ²³Áko Jesus haadzí'go áni, K'ad Diné Siljí'ii ayóó át'éii ádoolníłgo baa hoolzhiizh. ²⁴T'áa aaní, t'áa aanígóó ánihidishní, Tł'oh naadą́ą' bılástsii' doo leeł yilts'idgóó áádóo doo daaztsą́ągóogo éi doo bilááh yileeh da, nidi daatsaahgo bineest'ą' t'óó ahayóí yileeh. ²⁵T'áa háiida iiná hwii' hólónígíí ayóó'ájó'niigo éi yóó'azhdootłish, áádóo t'áa háiida díi nahasdzáán bikáa'gi iiná hwii' hólónígíí jįjooláago t'áa éi doo yóó'azhdootłish da, nidi hool'áágóó hwee hólóogo bee jįináa doo.

²⁶Diné t'áa háiida ła' shá nijil'a'ígíí, éi ts'ídá shikée' joogaał doo, áko naasháhidí shinaal'a'í jįłiniid áldó' áadi nijigháa doo, diné t'áa háiida ła' shá nijil'a'go, t'áa éi shiTaa' bıl jįłi doo.

Diné Siljí'ii ts'ídá dah bidi'doolt'eel

²⁷K'ad shii' siziinii nitseeltłah. Ákosą́ą' ha'át'íi dideeshniil, ShiTaa', k'ad shá baa ílkidígíí bits'ąąjį' yisdáshılteeh, dideeshniil daats'í? Dooda, biniyé níyáhígíí k'ad baa ílkid. ²⁸ShiTaa', nízhí' ayóó át'éego ánilééh. Nít'ée' yá'ąąshdę́ę' iinée' diists'ąą'go áni, Ayóó át'éii lá áshłaa ni, áádóó ayóó át'éii ánaádeeshdlíł. ²⁹Ákwii diné ła'í naazínígíí da'diizts'ąą'go ádadíniid, Adees'ni'. Ła' ánaádadi'ní, Diyingo naal'a'í bich'į' haadzí'. ³⁰Nít'ée' Jesus

ánaáhodoo'niid, Éí nihí t'éiyá nihá bee ha'oodzí', shí
éí doo shá ha'oodzí' da. ³¹K'ad díí nahasdzáán baa
náhat'í, k'ad nahasdzáán binanit'a'í ch'ihidoolghááł;
³²shí, dah shidi'diilt'e'go, diné t'áa altso át'ááh
deesh'nił. ³³Haa yit'éego dazdootsaahígíí bee bééhózin
doo biniyé bee hadzoodzí'. ³⁴Áko diné yíl'áhígíí
hach'í' hadaaszí'go ádadíiniid, Bee haz'áanii biyi'dóo
Christ hool'áágóo hólóq dooleel,

níigo dasidiits'áá'. Áko ha'át'éegoshá' Diné Silíí'ii dah
bidi'doolt'eeł diní? Háishá' éí Diné Silíí'ii át'í? ³⁵Jesus
áhodíiniid, T'óo kónígháníj' adinídíin nihíł hóló.
Adinídíin t'ah nihee hólónidáá' nidaahkai, doodago éí
chahalheel nihik'iidooldoh; chahalheelgóo naagháhígíí
yigáálgóo doo bił bééhózin da. ³⁶Adinídíin t'ah nihee
hólóqdáá', éí adinídínígíí deinohdláago baa dadzínóhłí,
áko adinídíin ba'álchíní dadooheel.

Jew dine'é doo da'oodlāa da

Jesus kódíiniidgo, dah diiyáago hats'aa nídeest'íí'.
³⁷Azhá Diyin God bibee adziilii bee béédahózinii t'óo
ahayóidi bináál baa nijiyáa nidi, t'áadoo dahoosdlāad
da; ³⁸Diyin God yá halne'ii, Aizéiyah kóníigo saad yee
haadzí'ii bohodoolníł biniyé ákódzaa;

Bóhólníihii níłinií, baa nidahwiilne'ígíishá' háí
dayoosdlāad?

Háishá' Bóhólníihii bibee adziilii bich'í' yit'íní ályaa?

³⁹Éí biniinaa da'iizhdoodlāągo doo bídashneel'áá da.
Háálá Aizéiyah ánáadoo'niid,

⁴⁰Hó doo da'oo'ííggóó ájiiilaa áádóó bijéí dajííłł'is,

doodago éí bináá' yee da'iidoołtséél

áádóó bijéí yee ak'ida'di'dootíłł,

áko shich'į' ninádookahgo náádabidideeshłáál.

⁴¹Aizéiyah díí yee haadzíí', háálá hats'ádi'nídínígíí yiyiiltsáago haa yáłti'. ⁴²Azhá naat'áanii danilíinii nidi t'óó ahayóí dahoosdłąąđ, nidi Férisii danilíinii yéédaaldzidgo biniinaa dahoosdłąąđgo haa dadzoozłi'ígíí doo t'áa yit'ini yee yádaałti' da, háálá Jew dine'é álah nádleeħii bitahdóó bits'ániħidi'doo'nił danízin. ⁴³Diyin God baa haniihígíí bilááh át'éego diné baa dahaniihjigo bił ayóó ádahoot'é.

Jesus bizaad aa nídóot'įłł

⁴⁴Nít'éé' Jesus yéego haadzíí'go áni, T'áa háiida shoodłąągo shaa dzólıhígíí éí doo shí shoodłąągo shaa dzólıi da, nidi shinił'a'ii éí yoodłąągo yaa dzólı. ⁴⁵Áko shoo'ínígíí éí shinił'a'ii yoo'į. ⁴⁶Shí adinidíin nishłjigo nahasdzáan bikáa'jį' niyá, áko shoodłąągo shaa dzólıhígíí doo chahałheeł yii' naagháa da doo. ⁴⁷Diné ła'da shizaad yidiits'a'go doo yoodłąągóó, éí doo baa nídéesht'įłł da, háálá nihokáá' dine'é doo baa nídéesht'įłł biniyé niyáa da, nidi yisdádeeshnił biniyé niyá. ⁴⁸Doo shinízinígíí inda shizaad doo yinízinii éí haa nídóot'įłłii hólóqo haa nihodoo'áál; saad bee haasdzi'ígíí t'áa éí niiniłkąądi haa nídóot'įłłgo haa nihodoo'áál. ⁴⁹Háálá doo t'áa shíniik'eh hahásdzii' da, nidi aTaa' shinił'a'ii éí bibik'eh ó'oo'níłłii bee hahideesdzihígíí inda bee yáshti' dooígíí sheidini'á.

⁵⁰Áko yee has'áanii éí iiná doo ninít'i'ii át'éego shít bééhózin. Éí baq bee yáshti'ígíí, aTaa' t'áá áshidíiniidígi át'éego bee yáshti'.

JOHN 13

Jesus bídahool'aahii dabikee' yá tánéigis

¹Atis'adeesdzá bee bééhániihii hodílingo álah ná'ádleehígíí t'ah bitséedi, díí nahasdzáán bikáá'dóo aTaa' bich'í' Jesus dah nízhdidoodáalgo baa hoolzhiizhígíí hoł bééhózingo, nahasdzáán bikáá'gi diné hwíí' danilíinii ayóó'ájó'ninígíí t'áá ayóó'ájó'niigo nihoolzhiizh. ²Áko i'í'áago da jiyáago nítch'i bida'iiníziinii binanit'a'i, éí Júdas Iskariyat, Sáíman biye', Jesus ninéididoo'aałgo t'áá ídąą' bijéi biih hóóle', ³áko Jesus, éí aTaa' t'áá altsoní hálák'eidí'áago áádóo Diyin God bits'ąądeé' jiniyáago índa Diyin God bich'í' nízhdoodáalgo hoł bééhózin. ⁴Áko ajíyáą'dóo nízhdii'na'go, ha'ée' aká'giígíí hazhdii'nilií', bee ádí't'oodí nízhdiiłtsoozgo éí bee áká dzíszas. ⁵Ákohgo bii' tá'ádígisi tó biih dzíziidgo, hódahool'aahii bikee' táádabiz'niigiz, áádóo bee ádí't'oodí bee áká dzíszazii bee bikee' bá dajít'óod. ⁶Nít'ée' Sáíman Peter baa hoolzhiizhgo áhodíniid, Bóhólníihii, da' niish shikee' táádígis lá? ⁷Jesus áhodíniid, Baa naasháhígíí k'ad doo nił bééhózin da, nidi át'ah índa nił bééhodoozjil. ⁸Peter ánáázhdoo'niid, Ts'ídá doo shikee' táádígis da. Jesus ánááhdoo'niid, Doo táániségizgóó, doo shídínít'i' da doo. ⁹Sáíman Peter ánáázhdoo'niid, Bóhólníihii, doo

t'áá shikee' t'éiyá da nidi shíla' índa shitsiits'iin áldó' táádíigis! ¹⁰Áko Jesus ánááhodoo'niid, T'áá háiida tá'ázdeesgizígíí doo t'áá dzizíí nít'ée' tá'ánaázdidoogis da, t'áá hazhó'ó hakee' t'éiyá, háálá t'áá dzizíí nít'ée' doo haḡḡ chin da, áko chin nihaḡḡ ádaadin, nidi doo t'áá ánóltso ákónóht'ée da. ¹¹Háálá nináhodidoo'áfígíí hoł bééhózin; éi biniinaa, Doo t'áá ánóltso chin nihaḡḡ ádaadin da, jidíiniid.

Jesus bik'ehgo dooleelígíí áyiilaa

¹²Áko bikee' táadadzizgizdóo bik'iji' ha'ée' biih nídzoódzá, áadóo názneezdáago ábizzhíiniid, Da' nihá ásdzaaígíísh nihił béédahózin? ¹³Na'nitini' índa Bóhólníihii dashidohní, áko t'áá aaníigóo ádadohní, háálá éi nishí. ¹⁴Áko shí nihiBóhólníihii áadóo nihiNa'nitini' nishíiggo, nihikee' táadaségizgo, nihi áldó' nihikee' ahá táadaahgis dooleel. ¹⁵Háálá bik'ehgo dooleelígíí nihinaál áshíaa, nihá ásdzaaígíí nihi áldó' t'áá éi bik'ehgóo ádaah'íi dooleel.

¹⁶T'áá aaníí, t'áá aaníigóo ánihidishní, Naalte' éi binanit'a'í doo yiláahgo át'ée da;

bi'deel'a'ígíí nidi biníł'a'ii doo yiláahgo át'ée da.

¹⁷Díidí nihił béédahózin ládáá', baa naahkaigo nihił dahózhqo doo. ¹⁸Doo t'áá ánóltso ádanihidishnii da; bitahálá'ígíí éi shíł bééhózin, nidi díí Diyin God bizaad bee ak'e'ashchínígíí bini' t'áá ákót'éego bohodoolníł,

Diné shits'áá' ná'ádííh nít'ée'ígíí

leezh shik'iji' yiztał.

¹⁹Díi k'ad t'ah doo áhánééhdáá' bee nihił hashne', ákódzaago, shí Christ ásht'íigo deidoohdlał. ²⁰T'áa aaníi, t'áa aaníigóó ánihidishní, T'áa háiida yíl'aadii bich'í' k'éznídzinígíí éi shich'í' k'éznídzin, ında t'áa háiida shich'í' k'éznídzinígíí éi shiníł'a'ii ałdó' bich'í' k'éznídzin.

Jesus ninábidi'doot'álgíí yaa hoolne'

(Mt. 26:20-25; Mk. 14:17-21; Lk. 22:21-23)

²¹Kót'éego Jesus hadzoodzí'go hwii' siziinii nitseeltahgo ázhdíiniid, T'áa aaníi, t'áa aaníigóó ánihidishní, Nihí ła' nináshididooh'áał. ²²Áko hódahool'aahii t'áa bił naaki daníłigo hái ła' áahyiłní ła' danízingo t'óo da'ahiníł'í. ²³Áko Jesus hódahool'aahii ła', ayóó'ájó'nínígíí, hayid yiniłtí, ²⁴áko Sáiman Peter éi nayé'ágizhgo íłní, Háisha' baa yániłtí'? bidiní. ²⁵Áko Jesus biyid bízhniitíigo ábízhdíiniid, Bóhólniihii, háisha' ábidiní? ²⁶Jesus áni, Éé'sé'ąągo baa deesh'álgíí éi hó áhodishní doo. Nít'éé' éé'dziz'ąągo, Sáiman biye', Júdas Iskariyat, baazhní'ą. ²⁷Áko éé'ást'ánígíí Júdas néidii'ąądóo bik'ijj', Séitan biih hóóle'. Áko Jesus áhodíiniid, Baa nídinidzáhígíí, tsxíłłgo ánilééh. ²⁸Nidi bikáa' adání bich'í' nidziiztánígíí biniinaa kót'éego bich'í' hadzoodzí'ígíí doo ła' da hoł bééhózin da. ²⁹Ła' ádeizniizíłł', Jesus éi Júdas béeso bizis nei'áhígíí biniinaa, Hodíłzingo áłah adooleelgi chodeidoo'íłłígíí nahidíłnih, doodaii', Badahojoobá'ígíí t'áadoo le'é bitaa díinih, yiłni dazniizíłł'. ³⁰Áko nít'éé' éé'ást'ánígíí nízhdił'ąągo ch'izhniyá, nít'éé' tł'éé' hazłł' ła.

Bee haz'áanii ániidíí

³¹Ch'ízhníyáádóó bik'íjį' Jesus ádííniid, K'ad láą, Diné Silį'ii ayóó át'ėii jįlįgo íshjáą ályaa, áádóó hó hwee Diyin God ayóó át'ėii nilįgo íshjáą ályaa; ³²hó hwee Diyin God ayóó át'ėii nilįgo íshjáą ályaaago, Diyin God áldó' t'áa bí ayóó át'ėii jįlįgo íshjáą áhodooolíł, áko t'ahaa'go ákóhodooolíł. ³³Sha'álchíni, t'óó kóníghánįjį' nihitaashá. Shíká danohtáa dooleeł, áko Jew dine'é bich'į' haasdzi'įgi át'ėego k'ad ánihidishní, Déyáágóó doo dadohkááh át'ée da.

³⁴Bee haz'áanii ániidíí nihaa dinish'aahgo ánihidishní, Ayóó'áda'ahíínóh'ní dooleeł;

t'áa ayóó'ádanihíínish'ní yęęgi át'ėego, nihí áldó' ayóó'áda'ahíínóh'ní. ³⁵Ayóó'áda'ahíínóh'niigo shídahool'aahii danohįjįgo diné t'áa áłtso bíł béédahózin doo.

Peter éi Jesus doo bééhasin da bidizhdooniilígí t'áa bítséedi baa hane?

(Mt. 26:31-33; Mk. 14:27-31; Lk. 22:31-34)

³⁶Nít'ée? Sáiman Peter áhodííniid, Bóhólníihii, háágóoshą' díníyá? Jesus ánááhodoo'niid, Déyáágóó k'ad doo shikée' dóoya' át'ée da, nidi át'ah índa shikée' yínáał doo. ³⁷Áko Peter ánáádoo'niid, Bóhólníihii, ha'át'ėegoshą' k'ad doo níkéé' dósha' át'ée da? Niniinaa dasétsąą nidi t'áa áko. ³⁸Jesus ánááhodoo'niid, Da' shiniinaash dadíitsaał? T'áa aaní, t'áa aaníígóó ándishní, Naa'ahóóhai biką'í t'áadoo ániihí, táadi doo hwééhasin da náshidííni'niidgo índa ádidooniil.

JOHN 14

ATaa' bich'i' Jesus honit'i'ii nilj

¹T'áadoo nihijéi bii' nihini' daalaní; Diyin God deinohdláago baa dadziínóhli, shí aldó' dashoohdláago shaa dadziínóhli. ²ShiTaa' bighandi t'óó ahayóigo dahooghan; doo éigi áhoot'éeégóó doo bee nihil hweeshne' da doo nit'ée'. Nihiba' hasht'ehodeeshliil biniyé ákóq déyá. ³Áko áá níyáago nihá hasht'ehooshlaago, áádéé' náádeeshdaál, áádóó ákóq nánihideesh'ishgo honishlónídi nihí aldó' áadi dahonohlqo doo. ⁴Déyáagóó nihil béédahózin, áko honit'i'góó nihil béédahózin. ⁵Nit'ée' Thomas áhodíniid, Bóhólníihii, díníyáagóó doo nihil béédahózin da, áko haash yit'éego honit'i'ii nihil béédahodoozil? ⁶Jesus áhodíniid, Shí honit'i'ii áádóó t'áá aaníinii inda iiná nishli; diné doo la' aTaa' yaa doogáal da, shí sheego t'éiyá. ⁷Shéédahonohsingo, shiTaa' aldó' béédahonohsin doo nit'ée', k'ad kodóó hwéédahonohsin áádóó dahootsá.

⁸Philip áhodíniid, Bóhólníihii, aTaa' nihil bééhonisijih, éi t'éí daniidzin. ⁹Áko Jesus ájini, Philip, da' atk'idáq' nihil nihidiishkai nidiish, t'ah doo shééhonisijih da? T'áá háiida shiiltsánigíí éi aTaa' yiyiiltsá; ha'át'éegoshá' áko, ATaa' nihil bééhonisijih, shidini? ¹⁰ATaa' bii' honishlónigíí inda aTaa' shii' hólónigíish doo yinídláa da? Saad bee nihich'i' yáshti'ígíí doo t'áá shíniik'eh bee yáshti' da, nidi aTaa' shii' hólónii éi binaanish áyooliil. ¹¹ATaa' bii' honishlqogo áádóó aTaa' shii' hólqogo dashiinohdlá; éi doodago naanish áashliigíí binahji' dashiinohdlá.

¹²T'áá aaníí, t'áá aaníígóó ánihidishní, T'áá háiida shijoodláago sheijólihígíí éi díi naanish áashlííígíí hó áldó' ájoolííł doo, áádóó díi naanish áashlííígíí biláahdi ádaat' éii ájoolííł doo, háálá shiTaa' bich'í' déyá, éi baą.

¹³T'áá ha'át' íhída shízhi' bee dayínóhkeedgo, éi ádeeshnííł, aYe' bee aTaa' baa ha'niih doo biniyé.

¹⁴Ha'át' íhída shízhi' bee dayínóhkeedgo, éi ádeeshnííł.

Níłch'i Diyinii bee nihoot'á

¹⁵Ayóó' ádashíínóh' níí ládáą' bee nahosél' áanii bik'eh dahonoł'íí doo. ¹⁶Áko aTaa' néideeshkaąłgo, Áká Análwo'ii ła' nihaa néididoo' áałgo, éi hool' áagóó nihíł hólóq doo, ¹⁷t'áá éi Níłch'i t'áá aaníinii íishjáą áyoolííł, nihokáá' dine'é doo dahonooz'íí' át'ée da, háálá doo dahoo'íí da, doo nidi hwéédahósín da, nidi nihí hwéédahonóhsín, háálá nihíł kééhojit'í, áádóó nihiyi' hojílóq doo.

¹⁸Doo t'áá sáhí nihí' deeshnih da; nihaa nídeeshdáál.

¹⁹Koshidéę' hadziñ, áko nihokáá' dine'é doo náádashoot'íí da doo, nidi nihí t'éiyá dashooh'íí doo; hinishnánígíí baą nihí áldó' dahinohnáa doo. ²⁰Áko éi beiníłkaądi shiTaa' bii' honishlónígíí, áádóó shii' dahonohlónígíí, índa nihii' dahonishlónígíí nihíł béédahodooz'ííł. ²¹Bee nahosél' áanii hoł bééhózingo bik'eh hojíl'íinii éi ayóó' áshijó' ní, áko ayóó' áshijó' nínígíí éi shiTaa' ayóó' áhó' ní doo, shí áldó' ayóó' áhósh' ní doo, áko hach'í' ádééhodeeszííł.

²²Júdas (doo Iskáriyat wolyée daígíí) áhodíiniid, Bóhólníihii, ha'át' éegoshą' nihí t'éiyá nihich'í' ádééhodííłz'ííł, nidi nihokáá' dine'é éi dooda? ²³Jesus ánááhodoo' niid, Diné ła' ayóó' áshó' nígo, éi shizaad

bik'eh hojıl'ıı doo, áko shiTaa' ayóó'áhó'nıı doo, áko haa diikahgo hoł kéedahwiit'ıı dooleel. ²⁴T'áa háiida doo ayóó'áshó'nínígıı, éı shizaad doo yik'eh hól'ıı da; saad dadoohts'a'ii éı doo shı shizaad át'ée da, nidi aTaa' shinıl'a'ii éı bizaad át'é.

²⁵Dıı t'áa altso t'ah nihıl naashkaidáá', bee nihıl hashne'. ²⁶Nidi Áká Análwo'ii, Nılch'i Diyinii nilíinii, t'áa éı aTaa' shızi' yee yidool'aalígıı, éı t'áa altsonı yınanihinıltin doo, áádóo t'áa altso bee nihich'ıı hahásdzı'ígıı béedaałniihgo ánihósın doo. ²⁷Nihich'ıı hózhoq le', shıbee ıl hózhoq nihaa dinish'aah; doo nihokáá' dine'é aa deidiyii'aahıgı át'éego nihaa dinish'aah da. T'áadoo nihıjéı bii' nihini' daaláni, ında t'áadoo nídaaldzıdı. ²⁸Nihiniyá, ında áádéę' nihaa náádeeshdáál, nihidishnínígıı dashidoots'áá'. Ayóó'ádashínóh'nııgo, aTaa' bich'ıı déyáhıgıı baa nihıl dahózhóq doo nıt'ée', háálá shiTaa' shıláahgo át'é. ²⁹Dıı t'ah doo áhánéehgóo k'ad bee nihıl hweeshne', ákódzaago, da'ııdoohdlał. ³⁰Kodóo doo lą'ıgóo nihich'ıı yánaádeeshtih da, háálá nahaszáán yınanı'a'ı nilíinii k'adéę yıghááh. Éı doo shee ádıhólnııh da, ³¹nidi t'áa aTaa' áshıdıınıidıgı át'éego ááshnııl, áko nihokáá' dine'é aTaa' ayóó'óosh'nııgo bıł béedahózin doo. Sołtı', dah didiikah.

JOHN 15

Jesus éi ch'il na'atl'o'ii t'áa aaníinii

¹Shí ch'il na'atl'o'ii t'áa aaníinii nishlǫ́, shiTaa' éi ch'il na'atl'o'ii yaa áhályáanii nilǫ́. ²Shits'áda'iitl'óohgo doo bineest'á' dahaleehii, t'áa altso shits'áyiiniíł, t'áa altso bineest'á' baḡah nídahadleehígíí éi bits'áoz'a' bílátah níjiigish, t'ah biláhigo baḡah nínáadahodoodleel biniyé. ³Saad bee nihich'ǫ́ yáálti'ígíí bee t'áa íídáá' hasht'edanihi'diilyaa. ⁴Shii' dahonohłó, shí ałdó' nihii' honishłóq doo. Ats'á'atl'óohii t'áa bízhánigo doo baḡah náhadleeh da, bá íí'áii bíłgo t'éiyá, ts'ídá ákót'éego doo shii' dahonohłóqóogo, aneest'á' doo nihits'áądóó náhoodleel da doo. ⁵Ch'il na'atl'o'ii sikaadii nishlǫ́, nihí t'éi ats'áda'iitl'óohii danohłǫ́. Shii' hojílóonii, áádóó shí hwii' honishłóonii, ts'ídá éi aneest'á' la'í hats'áądóó náhoodleel, háálá t'áa shídingo t'áadoo bídanool'ání da. ⁶Áko diné t'áa háiida doo shii' hojílóqóo, éi ats'á'atl'óhígíí yóó'ahelgháḡgo yigáhígíí nahojílin; jó, éi álah ál'ǫ́h áko tsídza dahalka'go, adahidilk'áḡh. ⁷Áko shii' dahonohłóqo, áádóó shizaad nihii' dahólóqo, t'áa danohsinígíí dayínóhkeed, áko nihá bi'doolníł. ⁸Aneest'á' t'óo ahayóí nihits'áądóó náhoodleehígíí bee shiTaa' ayóo át'éego baa ha'niih, áko éi bee shídahool'aahii danohłǫ́ doo. ⁹T'áa aTaa' ayóo'áshó'nínigi át'éego, shí ałdó' ayóo'ánihósh'ní; she'ayóo'ó'ó'ni' bii' dahonohłóqo áda'díínólzin. ¹⁰T'áa shiTaa' yee nahas'áanii bik'eh honish'ǫ́go be'ayóo'ó'ó'ni' bii' honishłónigi át'éego, bee nahosél'áanii bik'eh dahonohłǫ́go, she'ayóo'ó'ó'ni' bii' dahonohłóq doo. ¹¹Shibee íł hózhoq nihii' dahólóq doo

biniyé díí bee nihich'í' hahásdzíí', áko nihíni' bíighahgo nihíł dahózhq̄o doo.

Ayóó'ó'ó'ní aláahgo ánáánát'éii doo ła'da bee hólq̄o da

¹²Díí bee hoséł'áanii át'é, éi ayóó'ánihósh'nínigi át'éego ayóó'áda'ahíínóh'ní.

¹³Diné bik'isóó ayóó'ádayó'níinii yá niná'ádeet'áanii yá daaztsáago, kót'éego ayóó'ó'ó'ní ayóó át'éii náánála' diné doo hwee nááhódlq̄o da. ¹⁴T'áa ha'át'íhída bee hoséł'áanii baa naahkaigo, shik'isóó danohłí. ¹⁵Kodóó náás hoolzhishgóó naal'a'í doo nihidishníi da doo, háálá naal'a'í niliini hananit'a'í yaa naagháhígíi doo hoł bééhózin da, nidi shik'isóó nihidíiniid, háálá shiTaa' bits'áádóó diséts'á'ígíi t'áa altso bee nihíł béédahózingo ánihiishłaa. ¹⁶Nihí doo nídashidoołtíi da, nidi shí t'éi nánihiyéłaa'go ninihinínil, nihits'áádóó aneest'á' nidahwiileeh doo biniyé dahidohkááh, áko nihineest'á' t'áa hólq̄o doo, áádóó t'áa ha'át'íhída shízhí' bee aTaa' bídayínóhkeedígíi, éi nihaididoo'áál.

¹⁷Ayóó'áda'ahíínóh'níi doo biniyé díí bee nihida'sélnii'.

Nihokáá' dine'é be'ajoodlá

¹⁸Íishjáą nihokáá' dine'é danihijooláago, t'ah doo danihijoolaahdąą' shí átséedi dashijoosłá'ígíi nihíł béédahózin. ¹⁹Nihokáá' dine'é bíi' danohłíjgo, nihokáá' dine'é ayóó'ádanihó'níi doo nít'ée', háálá t'áa daabíi'ii t'éiyá ayóó'ádayó'ní, nidi nihokáá' dine'é doo bíi' danohłíi da, nidi t'áa nihokáá' dine'é bitahdóó nánihiyéłaa', éi baą nihokáá' dine'é danihijoolá.

²⁰Naalte' éi binanit'a'í doo yilááh át'ée da,

nihidishníigo saad bee nihich'í' haaszdí'ii béédaatniih. Atídashiilaago, nihí áldó' atídanihidoolíí; shizaad yik'eh dahól'íigo, nihí áldó' nihizaad yik'eh dahól'íi doo. ²¹Nidi shízhi' biniinaa díí t'áa áltso yee nihaa nidookah, háálá shinił'a'ii doo yéedahósin da. ²²Doo níyáágóogo índa t'áadoo bich'í' hahásdzí'góogo, doo ádił da'asziih da doo nít'ée', nidi k'ad ádił da'dziszihiígíí t'áadoo bee dazhdínól'íi da. ²³T'áa háiida shijooláhígíí t'áa éí áldó' shiTaa' yijoolá. ²⁴Diné t'ah doo íléehii doo bitahgi baa niséyáágóogo, doo ádił da'asziih da doo nít'ée', nidi k'ad shí áádóo shiTaa' t'áa ániidla danihijiiltsá áádóo nihik'ee dazdeeznih. ²⁵Nidi t'áa daabí bibee haz'ánii biyi' díí saad bee ak'e'ashchínígíí bohodoolnííł biniyé, T'áadoo baanígóo shik'ee dadeeznih.

²⁶Nidi Áká Análwo'ii, aTaa' bits'áádéé' nihaa deesh'aahígíí, éí Níłch'i Diyinii t'áa aaníinii íishjáá áyoolíihii aTaa' bits'áádéé' hólónígíí éí nihaa honíle'go shá hodoolnih; ²⁷nihí áldó' shá nidahodoolnih, háálá t'áa hodésáádéé' shił tádoohkai.

JOHN 16

¹Doo dadidoohgoh da biniyé díí t'áa áltso bee nihíł dahweeshne'. ²Jew dine'é áłah nádleezii bitahdóo bits'ánihiidi'doo nił; t'áa aaníı bich'í' hoolzhish, t'áa háiida nihiisxíigo éí Diyin God bá nisis'a' nízín doo. ³Áko díí t'áa áltso nihaa nidookah, háálá aTaa', doodaii'

shí éí doo nihéedahósín da. ⁴Nidi díí t'áá altso bee nihíł dahweeshne', áko baa hoolzhiizhgo, bee nihíł dahweeshne'ígíí béédadoolnih.

Níłch'i Diyinii binaanish

Hodésáádéé' nihíł naashkaigo biniinaa díídígíí t'áadoo bee nihich'í' haaszdíí' da. ⁵Nidi k'ad shiníł'a'ii bich'í' nídésdzá, ákondi doo ła', Háájísh díníyá? shidohnih da. ⁶Nidi díí bee nihich'í' hahásdzíí'go biniinaa, danihiyéí biyi'di baḡḡ danihíni'. ⁷Azhá ákót'ée nidi t'áá aanígóó nihíł hashne': nídésdzáhígíí t'áá íiyisí nihá yá'át'ééh, háálá doo nídésdzáágóó, Áká Análwo'ii doo nihee hodooleeł da; nídésdzáago éí nihaa deesh'aał. ⁸Áko éí nihaa honíle'go, baḡḡági át'éii áádóó ts'ídá t'áá ákogi é'ét'é índá ánihodiyoot'áál nihokáá' dine'é yaa ákodańizingo ídoolíł: ⁹baḡḡági át'éii yaa ákodańizingo ídoolíł, háálá doo dashoodłáḡo shaa dadzólíi da; ¹⁰ts'ídá t'áá ákogi é'ét'é yaa ákodańizingo ídoolíł, háálá shiTaa' bich'í' déyá, áádóó doo dashooh'íi da dooleeł; ¹¹ánihodiyoot'áál yaa ákodańizingo ídoolíł, háálá nahaszáan binanit'a'í baa náhást'íidgo bá nihoot'á.

¹²Bee nihich'í' hahideesdzihígíí t'ah ła'í nidi, k'ad éí bik'idadi'doohíłígíí doo bídanool'áḡ da. ¹³T'áá áko nidi Níłch'i Diyinii t'áá aaníinii íishjáḡ áyoolíłii nihaa honíle'go, éí t'áá aaníinii t'áá altso biyi'góó nihoo'ish doo, háálá doo t'áá biniik'eh yáłti' da doo, nidi yidiits'a'ígíí éí yaa halne' doo, ádahodooníłígíí ałdó' yee nihíł halne' doo. ¹⁴Áko éí ayóó áńisht'é áshidoolíł, háálá shíhígíí éí nédidooléelgo hazhó'ó yee nihíł

hodoonih. ¹⁵A Taa' bihígíí t'áa altso shí, éí baq adíshní, Shíhígíí néididooléelgo hazhó'ó yee nihíł hodoonih.

Yínííł ıl hózhó nídoodleel

¹⁶T'óo hodíína'go doo dashooh'íí da doo, áádóo t'áa nááhodoo'na'go náádashooh't'íí doo [háálá aTaa' bich'í' déyá]. ¹⁷Áko hódahool'aahii ła' áda'ahidoo'niid, T'óo hodíína'go doo dashooh'íí da doo, áádóo, T'óo nááhodoo'na'go náádashooh't'íí doo, ında, Háálá aTaa' bich'í' déyá, jiníigo bee nihich'í' hadzoodzí'ígíishá' ha'át'íí ááhjiní? ¹⁸Éí baq adadíniid, T'óo hodíína'go jinínígíishá' ha'át'íí ááhjiní? Ááhjinínígíí doo nihíł béédahózin da. ¹⁹Áko Jesus nidabízhídííłkiígíí bíł bééhoozingo áhodíiniid, T'óo hodíína'go doo dashooh'íí da doo, áádóo t'óo nááhodoo'na'go náádashooh't'íí doo, dishníigo bee haasdzí'ígíish bínda'ahídółkid? ²⁰T'áa aaníí, t'áa aaníígóo ánihidishní, Nihí daahchago atínídadínóhndleeh doo, nidi nihokáá' dine'é éí bíł dahózhó dooleel; nihí yínííł nidaahkai doo, nidi yínííł nidaahkaígíí ıl hózhó nídoodleel. ²¹Asdzání éí awéé' bídii'nahgo bíł honeezgai ła, háálá azhdoolchííł bílátah dahashzhiizh, nidi t'áa ajíłchíhí hol honeezgai yęę doo bééjílنيih da ła, háálá nahasdzáan bikáa'gi awéé' jishchínígíí baq hol hózhó. ²²T'áa ákót'éego nihí k'ad yínííł danohłí, nidi náánihiłtsáago nihijéí bíł nídahoodoojọł, áko nihíł dahózhónígíí éí dine doo ła' da nihighaididoot'áał da. ²³Áko éí beiníłkáądi doo nidashídííłkił da. T'áa aaníí, t'áa aaníígóo ánihidishní, T'áa ha'át'ihída aTaa' shízhi' bee bídayínóhkeedgo, nihaididoo'áał. ²⁴Hoolzhishdęę' kojí' t'ah doo shízhi' bee da'díínóhkeed da; da'díínóhkeedgo

nihaa doolyéél, áko nihíni' bíghahgo nihíł dahózhqo doo.

Nihokáá' bił nidahazt'i'ii bik'eh déshdlíí'

²⁵Díí t'áa altso hane' bee ak'idi'dootííłii binahjí' nihich'í' hahásdzíí', nidi bich'í' hoolzhish, hane' bee ak'idi'dootííłii binahjí' doo nihich'í' hanáádeesdzih da, nidi t'áa bééhózingo aTaa' bee nihíł hodeeshnih. ²⁶Áko éi beiniłkáądi shízhí' bee da'díínóhkeed doo, áko aTaa' nihá néideeshkáął doo nihidishníi da, ²⁷háálá ayóó'ádashíínóh'nínígíí índá Diyin God bits'áądęé' níyáago deinohdlánígíí baą, aTaa' t'áa Bii ayóó'ánihó' ní. ²⁸ATaa' bits'áądęé' dah diyá, áko nahasdzáán bikáa'jí' níyá, k'ad nahasdzáán bits'áąjí' nihéénisdzáago aTaa' bich'í' nídesdzá.

²⁹Hódahool'aahii ádahodíiniid, K'ad éi t'áa bééhózingo yáníłti', hane' bee ak'idi'dootííłii doo bee yáníłti' da!

³⁰K'ad t'áa altsoní nił bééhózingo baa ákodaniidzin, índá diné ła'da nanídeélkid nidi doo bee nich'í' anáhóót'i' da; díí bee Diyin God bits'áądęé' yíníyáago deiniidłá. ³¹Jesus ánáábidooníid, Da' k'adísh da'iinohdlá? ³²Jó'akon, díí bich'í' hoolzhish, t'áa aaníi k'ad baa hoolzhiizh, t'áálá'í nootínigo danihighangóo taidoohkah, áko shí t'éiyá t'áa sáhí deeshłeet, ákondi doo t'áa sáhí da, háálá aTaa' shíł hóló. ³³Shí shee nihíł dahózhqo doo biníyé díí t'áa altso bee nihich'í' haasdzíí'. Nahasdzáán bikáa'gi nihich'í' nidahwii'náa doo, nidi chánah danohí, shí nihokáá' bił nidahazt'i'ii bik'eh déshdlíí'.

JOHN 17

Jesus bídahool' aahii yá sodilzin

¹Jesus díi saad yee haadzii' go, yá' aashgóó déé'íí' go ání, ShiTaa', k'ad áají' achoolzhiizh; niYe' ayóó át' é ánilééh, áko niYe' aldó' ayóó át' é ándoolííł, ²háálá baa hidííni' ánígíi t' áá altso iiná doo ninít' i' ii yeididoo' áál biniyé nihokáá' dine' é nináneel' áají' bee hóhólníihgo íinilaa. ³Áko iiná doo ninít' i' ii éi díi, ni t' éiyá t' áá aaníi Diyin God nííígo néedahodoosííł, índa Jesus Christ yinił' a' ígíi aldó' yéedahodoosííł. ⁴Ni' bikáá' ayóó ánit' éego ániishłaa, naanish shaa díini' ánígíi altso ła' yishłaa, ⁵áko k'ad, shiTaa' nííinii, níi honishłóogo nahasdzáán t' ah doo álnéehdáá' ayóó át' éii bee níi honishłóq nít' é' ígíi bee ayóó ánisht' éego áshilééh.

⁶Nihokáá' dine' é bitahdeé' diné shaa híniniligíi bich' í' nízhi' bee ánit' éii béehozingo íishłaa; éi t' áá altso níi' nít' ée' go shaa híninil, índa nizaad yik' eh dahól' í. ⁷Áádóó t' áá altsoni shaa díini' ánígíi nits' áádéé' ádaat' éego bíi béedahoozin, ⁸háálá saad shaa díini' ánígíi baa diní' á, áádóó nídeidiiláago t' áá aaníi nits' áádéé' níyáago bíi béedahoozin, áádóó shíinił' a' ígíi dayoosdłaad. ⁹Éi bá sodiszin; nihokáá' dine' é éi doo bá sodiszin da, nidi shaa híniniligíi t' éiyá, háálá éi ni; ¹⁰shíhígíi t' áá altso ni, índa nihígíi t' áá altso shí, áko éi hwee ayóó ánisht' éego áshi' diilyaa. ¹¹K'ad nahasdzáán bikáá' gi doo nináánashdáa da doo, nidi bí t' éiyá nahasdzáán yikáá' nidaakai doo, nidi shí k'ad nich' í' nihéénsdzá. ShiTaa' Diyin nííinii, shaa híniniligíi t' áá ni nízhi' bibee adziilii bee dayínítą', áko t' áálá' í niidlínigi át' éego t' áálá' í danilíi doo. ¹²[Nahasdzáán

bikáa'gi] t'ah bił naashkai yéçdáá' shaa híninilígíí nízhi' bibe adziilii bee dayínishtá' nít'ée'; éi baa áháshyáá nít'ée', áko t'áadoo ła'da yóó'íitlizh da, nidi anoonééł bá yizhchínii t'éiyá, éi Diyin God bizaad bee ak'e'ashchínígíí bohodoolníł biniyé.

¹³Nidi k'ad nich'į' nihéénisdzá, áko shibee ił hózhó bee bíní' dabíighahgo bee bił dahózhóq dooleeł biniyé díidíígíí nahasdzáán bikáa'gi bee hahasdziih. ¹⁴Nizaad baa diní'á, áádóó t'áá shí nihokáá' dine'é doo bits'áádóó ásh't'ínigi át'éego nihokáá' dine'é doo yits'áádóó ádaat'įi daígíí biniinaa nihokáá' dine'é dabijoolá. ¹⁵Éi nahasdzáán bikáa'dóó náádidiídléligíí doo biniyé ádíshní da, nidi baqahági át'ei nilíinii bits'aa baa áhólyáa doo biniyé ádíshní. ¹⁶Nihokáá' bił nidahazt'i'ii doo bídíinisht'i' da; t'áá éigi át'éego bí aldó' nihokáá' bił nidahazt'i'ii doo yídadéét'i' da. ¹⁷Nit'áá aaníinii yee dadiyingo ádanile'; nizaad éi t'áá aaníinii át'é. ¹⁸T'áá nahasdzáán bikáa'įi' ashíiníł'a'ígíí át'éego, shí aldó' nahasdzáán bikáa'góó adahoyíł'a'. ¹⁹Áko éi t'áá aaníinii bee dadiyingo ádahodi' doolníł biniyé, shí éi honíinaa diyingo í'diishyaa.

²⁰Díi shídahool'aahii t'éiyá doo bá ádíshní da, nidi dabizaad binahjį' dashiidoodlaqłgo shaa dadzólí dooleeligíí aldó' bá sodiszin, ²¹áko t'áá altso t'áála'í nilį doo; shiTaa' nilíinii, ts'ídá shii' honíłó áádóó shí aldó' nii' honishłónigi át'éego bí aldó' t'áála'í nilįgo nihii' hólqo doo, áko nihokáá' dine'é éi shíiníł'a'ígíí deidoodlaqł. ²²Bee ayóó ánisht'ei shaa díini'ánígíí t'áá éi baa diní'á, áko t'áála'í niidliníigi át'éego t'áála'í danilį dooleeł, ²³shí bii' honishłó índá ni shii' honíłó, áko ts'ídá t'áála'í danilį dooleeł, áko shíiníł'a'ígíí índá

ayóó'áshííni'nínigi át'éego ayóó'íini'nínigíi nihokáá' dine'é bił béeedahodooził. ²⁴ShiTaa', shaa híniniligíi honishłóqdi shił dahólóq le' laanaa nisin, áko bee ayóó ánisht'èii shaa díini'ánigíi deidoołtséel, háálá nahasdzáán t'ah doo niit'aahdáq' ayóó'áshííni'ní. ²⁵ShiTaa' ts'idá t'áá ákogi ánít'èii, nihokáá' dine'é doo néedahósin da, nidi shí t'éi néehasin, áádóó diidíigíi shíinił'a'go bił béeedahoozin. ²⁶Nízhi' bee bił hweeshne'go ánít'èii bił béeedahózingo íishłaa, áádóó t'áá baa hashne' doo, áko ayóó'ó'ó'ni bee ayóó'áshííni'níinii bii' dahólóq doo, índá shí ałdó' bii' dahonishłóq dooleet.

JOHN 18

Jesus ninádeet'á áádóó bił diiltsood

(Mt. 26:47-56; Mk. 14:43-50; Lk. 22:47-53)

¹Jesus díi saadígíi yee hahasdzii'go tó níł Kídran hoolyéii tsé'naagóó bídahool'aahii yił ch'ékai, áádóó ákwe'é tsin bił dah náháltso léi'gi bídahool'aahii yił yíkai. ²Áko Júdas nináhodini'ánigíi éi haz'ánigi bił bééhózin, háálá Jesus t'áá aháqah hódahool'aahii ákwii bił níjıkah nít'ée'. ³Áko Júdas éi aláahgo náada'iłniihii índá Férisii danilíinii bits'áqđéé' siláo índá bindanit'a'í ła' ba'í'nilgo ákwe'é yił yíkai, bee hool'iní nidaadlo'í áádóó honooyéel índá dadeeníinii dayíjaahgo. ⁴Ákohgo Jesus, áhodi'doolníłgíi t'áá ałtso hoł bééhózingo, bich'į' dashdiiyáago ábizhdíiniid, Háishq' hadanohtá?

⁵Áko ádahalní, Jesus Názareshdóóígíí láą. Jesus ánááhodoo'niid, Shí éí ásh't'í. Nináhodiní'ánígíí Júdas áájí atah sizí. ⁶Shí éí ásh't'í, bizhdíiniidgo t'áá altso t'áá' náhizdeeskaigo t'áá'j'i'go naa'ajííldááz. ⁷Áádóó ninááyizhdéélkidgo, Háishą' hadanohtá? náábizhdi'ní. Nít'ée' ánáadahodoo'niid, Jesus Názareshdóóígíí láą. ⁸Jesus ánááhodoo'niid, Sháą', Shí éí ásh't'í, dishniigo nihíł hweeshne'; jó, shíkadanoh'táá ládáą' díi bił naashkaígíí bini' nidaakai. ⁹Éí, Shaa híninilígíí doo lá' yóó'íłt'e' da, jiníigo bee hadzoodzi'ígíí bohodoolnił biniyé díidí ádzaa. ¹⁰Nít'ée' Sáiman Peter bidiltish hólóq lá, áko hayítąągo aláahgo náá'iłniihii binaalte' néidíłhaalgo bijaa' nish'náájíígíí na'iidiłhaal. Éí naalte' Málkas wolyé. ¹¹Nít'ée' Jesus éí Peter áyidíiniid, Nidiltish bizis biłh nánítjih; da' doodłjili

shiTaa' sheiníkánígíísh doo deeshdljil da?

Aláahgo náá'iłniihii bidááhdéé' Jesus nibi'deedlóz

¹²Áádóó índá siláo áádóó binanit'a'í índá Jew dine'é bisiláo Jesus dayiiltsoodgo yeda'azt'q. ¹³Áádóó Ánas wolyéii áłtsé yich'í' dahazlóóz, háálá éí Kéiyafas haadaaní nilí, áko t'áá éí náháhígíí biyi' aláahgo náá'iłniihii ałdó' nilí. ¹⁴Jó, Kéiyafas éí Jew dine'é ábijiní, Diné t'áálá'ígíí diné t'áá altso yá dadootsaalgo éí yá'át'ééh.

Peter éí, Jesus doo bééhasin da, jiní

(Mt. 26:69,70; Mk. 14:66-68; Lk. 22:55-57)

¹⁵Áko Sáiman Peter éí íhool'aahii náánála'ígíí Jesus bił yah ajíí'ááz. Íhool'aahii lá'ígíí éí aláahgo náá'iłniihii

hwééhósiigo bikin binaagi haz'áago biná'ástl'in góne' Jesus bikée' yah ajíiyá, ¹⁶nidi Peter éi t'áa tl'óo'déé' sizí. Áko ihool'aahii la'ígíí aláahgo náá'iilniihii bééhósinii ch'ínádzáago asdzáni ch'é'étiin yaa áhályáanii yich'í' haadzí', nít'ée' áádéé' Peter yil yah íí'áázh. ¹⁷Asdzáni ch'é'étiin yaa áhályáanii éi Peter áyidiíniid, Da' niish aldó' níléi diné yihool'aahii atah nílí? Áko ajíni, Shí dooda. ¹⁸Áko deesk'aazgo, nidaal'a'ígíí áádóo siláo éi t'eesh nídeidiiltahgo yich'í' naazíigo nida'iidzíl; Peter aldó' ákwii atah sizíigo ná'iidzíl.

Aláahgo náá'iilniihii Jesus nayídílkid

(Mt. 26:59-66; Mk. 14:55-64; Lk. 22:66-71)

¹⁹Aláahgo náá'iilniihii éi Jesus hódahool'aahii índa hona' nitin yínahódéélkid. ²⁰Áko Jesus áhámi, T'áadoo bahat'aadí diné t'áa altso bich'í' yáshti'; t'áa álahjí' kin bii' álah nída'adleeh góne' índa kin bii' sohodizin bíł haz'áa góne' Jew dine'é t'áa altso álah nídaadleehgi niná'nishtíjh nít'ée'; t'áa nahont'inee ha'át'íida t'áadoo bee haasdzí' da. ²¹Ha'át'íish biniyé nashídílkid? Dashidiits'a'go bich'í' yéilti'ii bindabídólkid; jó, éi bee hahásdzí'ígíí bíł béédahózin. ²²Kót'éego hadzoodzí'go, siláo la' éi Jesus yíighahgi sizínígíí Jesus yil dzideezkaadgo áni, Da' ákót'éegoosh aláahgo náá'iilniihii bich'í' hahídziih? ²³Áko Jesus áhodíniid, Doo ákót'éégóo haasdzí'go éi baa hodílnih, nidi t'áa aaníígóo haasdzí'go, ha'át'íish biniyé nashidíniikaad? ²⁴Ánas éi aláahgo náá'iilniihii, Kéiyafas wolyéii, bich'í' Jesus t'áa be'ástl'óogo aho'doodlóoz.

Peter éí, Jesus doo bééhasin da, náázhdí'ní

(Mt. 26:71-75; Mk. 14:69-72; Lk. 22:58-62)

²⁵Nít'ée' Sáíman Peter ákwii ní'dziidziilgo dzizí. Áko ádahodíiniid, Da' níish áldó' éí dinéhigíí yíhool'aahii nílí? Dooda, jidiiniidgo, Dooda, bee nijiltee'. ²⁶Áádóo Peter éí aláahgo náá'iilnihii binaalte' bijaa' nizhdiihaalígíí bik'éí ła' áhodíiniid, Sháá', tsin bił dah náháłtsogi bił niiltsáą ní'. ²⁷Peter, Dooda, náádooniidgo t'áá áko naa'ahóohai bika'í ádiiniid.

Jesus éí Páílat bidááhdéé' niho'deedlóz

(Mt. 27:1,2,11-14; Mk. 15:1-5; Lk. 23:1-5)

²⁸Áko t'áá iiyisí t'ah abínigo Kéiyafas bighandóo naat'ááh kinjį' Jesus dah náadeidiidlóz. Atis'adeesdzá bee bééhániigo dadiidjígíí nihits'áą' doochqol danízingo biniinaa t'áadoo naat'ááh kin góne' yah aakai da. ²⁹Áádóo Páílat hach'į' ch'íníyáago áhodíiniid, Díí dinéshą' ha'át'íí bee bik'ídahoh'ááh? ³⁰Áko hadaasdziigo ádahodíiniid, Jó, diné doo baąhági át'íinii jiljígóo, doo naa dahodiniit'ąą da doo nít'ée'. ³¹Áko Páílat anáábídooniid, Nihíłááh, t'áá nihí nihibee haz'áanii bik'ehgo haa nídaht'į. Áádóo Jew dine'é anáadahodoo'niid, Diné dadiyiilyéelgo éí doo bee nihá haz'ąą da. ³²Éí Jesus ts'ídá kót'éego dazdootsaalgo bee hadzoodzi'ígíí bohodoolníł biniyé ádzaa.

³³Áko Páílat éí naat'ááh kin góne' yah anáadzoodzáago Jesus hágo bizhdíiniidgo bich'į' hadzoodzi', Da' níish Jew dine'é Aláahgo biNanit'a'í nílí? ³⁴Jesus haadzii'go ání, Da' díish t'áá níniik'ehígi bee háinídzí', ła'da

daats'í ákódashíniigo yee nił dahoolne'? ³⁵Páilat
 ánááhodoo'niid, Da' shíish Jew dine'é nishí? Jó, t'áa ni
 nidine'é áádóo aláahgo náada'iilniihii shaa dandeez'á;
 ha'át'iisha' baa nisíniyá? ³⁶Jesus hanáádzoodzí', Bee
 shóhólniihii éi doo díi nahasdzáán bits'áádóo da; bee
 shóhólnihígíi nahasdzáán bits'áádóogo shá nidaal'a'í
 shich'ááh nidaakaigo Jew dine'é doo bílák'ee
 shi'doot'áá da doo nít'ée', nidi bee shóhólniihii doo díi
 nahasdzáán bits'áádóo da, bizhdíiniid. ³⁷Páilat
 ánááadoo'niid, Da' ákoósh aláahgo naat'ánii nilí? Jesus
 ánááhodoo'niid, Jó, aláahgo naat'ánii nishíniigíi bee
 háinídzí'. Jó, t'áa aaníinii baa hashne' doo biniyé
 shi'dizhchí, índa díi biniyé nahasdzáán bikaa'gi níyá.
 T'áa ádzítso t'áa aaníjii dajílinii éi dashizdiits'a'.
³⁸Nít'ée' Páilat áhodíiniid, T'áa aaníniisha' éi ha'át'íi
 óolye?

Jesus hodi'yoolyéehji' há nihoot'á

(Mt. 27:15-31; Mk. 15:6-20; Lk. 23:13-25)

Áádóo kódiiniidgo, Jew dine'é yich'í' ch'ináánádzáago
 áyidiiniid, Yee ádaah dah hast'ánii doo ła' bá shíł
 bééhoozin da. ³⁹Jó nidi, atis'adeesdzá bee bééhániih baa
 náhwíilzhíizhgo t'áa nihi'é'él'í' bik'ehgo diné ła' nihá
 bééhidishchíid, áko daats'í Jew dine'é Aláahgo
 biNanit'a'í nilíinii nihich'í' béézhdidoochił
 dashíinóhni? ⁴⁰Ákohgo hanáádadeeshghaazh, Eii
 dinéhígíi dooda, Barábas daniidzin! dadíiniid. Barábas
 wolyéii éi agha'ii'niíii nilí.

JOHN 19

¹Áko Páílat bizaad k'ehgo Jesus dah náadeidiidlóozgo nídeineestsxas. ²Áádóó siláo ch'il hooshahii nídeiniisxodgo, ch'ah ádayiilaago hak'i deideez'á, índa éenééz tsídídééh nahalingo lichí'ígíí yiih dahastí, ³áko hadááhdeé' nináadalwo'go, Yá'át'éhéii, Jew dine'é Aláahgo biNanit'a'í níliinii! daanígo nídahodiyiikaad. ⁴Áádóó Páílat ch'ínáánádzáago ánéidoo'niid, Jó'akon, nihich'í' ch'ínááhonisdlóós, bee ádaḡah dah hodzist'áanii doo ła' há shił béeéhoozin daígíí nihíł béeedahodooził. ⁵Áko Jesus ch'il hooshahii hach'ah áádóó éé' tsídídééh nahalingo lichí'ígíí bee joogáalgo áádéé' ch'izhniyá. Áko Páílat éi diné alah silí'ígíí áyidíiniid, Jó, kóq dzizi. ⁶Áko aláahgo náada'iílniihii áádóó bisiláo dahoołtsáago, Tsin alnáoszid bikáa'ji' bił o'olkaalgo sołhé héii, bił o'olkaalgo sołhé héii! daanígo hahodííłdláád. Áádóó Páílat ábidíiniid, Nihíłláh, t'áá nihí tsin alnáoszid bikáa'ji' hoł ada'olkaalgo dahosohé, háálá bee ádaḡah dah hodzist'áanii doo ła' há shił béeéhoozin da. ⁷Nít'éé' Jew dine'é ánaádahodoo'niid, Nihibee haz'áanii hółq, áko éi bik'ehgo ts'ídá dazdootsaal, háálá t'áá hó Diyin God biYe' izh'dil'í. ⁸Áko Páílat éi ha'oodzi'ígíí dzidiizts'áḡ'go, t'ah yówehígo nídziłdziid, ⁹áádóó naat'ááh kin góne' yah anináádzoodzáago Jesus ábizhdíiniid, Háádéé'shḡ' naniná? Nidi Jesus t'áadoo haadzi' da. ¹⁰Áko Páílat áhodíiniid, Da' doosh shich'í' hadíídzih da? Néédideeshchilgo doodaléi' tsin alnáoszid bikáa'ji' nił ada'doolkaalgo bee shóhólnihígíish doo nił béeéhózin da? ¹¹Jesus ánááhodoo'niid, Bee nóhólníhii

doo yá' aashdêé' naa deet' áágóogo doo shíninil' áá da, éi baq naa shidini' ánígí aláahgo baqhági ádzaa.

¹²Diidíígíí binahjí' Páílat ts'ídá hwéédideeshchil' niizíí', nidi Jew dine' é hadadeeshghaazhgo ádaaní, Díí diné béédííníchid ládáq' doo Síizar bik'is nílíí da doo; t'áá háiida ła' aláahgo naat'áanii ízh' díl'ínígíí éi Síizar bits'áájí jíí. ¹³Áko Páílat díí saadígíí yidiiizts'áq' go, Jesus yil' ch'íní' áazhgo bikáá' dóo aa náhát'í yik'í dah neezdá, ákwii haz'áagi Tsé Sikaad hoolyé, nidi Hííbrew bizaad k'ehgo Gábatha hoolyé. ¹⁴Áko atis'adeesdzá bee bééhániihii biniyé hasht'ehodi' nééh bijíí góne', abínigo hastáqadi oolkiigo daats'í Páílat éi Jew dine' é íílní, Jó kóoní, Aláahgo nihiNanit'a'í sizi! ¹⁵Nidi hadadeeshghaazhgo ádadíiniid, Solhé héii, solhé héii, tsin ałnáoosid bikáa'jí' yee' bił' o'oolkaal! Nít'ée' Páílat áhodíiniid, Da' Aláahgo nihiNanit'a'í ísh tsin ałnáoosid bikáa'jí' bił' i' deeshkaal? Áko aláahgo náada'iiłniihii ánaádahodoo'niid, Aláahgo nihiNanit'a'í ádin, Síizar t'éiyá. ¹⁶Áko índa tsin ałnáoosid bikáa'jí' hoł ada'doolkaal biniyé baa hozhníłtí. [Áko Jesus dayiiltsoodgo dah deidiilóóz.]

Tsin ałnáoosid bikáa'jí' Jesus hoł o'oolkaal

(Mt. 27:32-44; Mk. 15:21-32; Lk. 23:26-43)

¹⁷Áko Jesus t'áá hó hatsin ałnáoosid jootííigo kintahdóo Tsiits'in Si'ání hoolyéégóo hoł dah adiildee', éi Hííbrew k'ehjí Gálgatha hoolyé. ¹⁸Ákwii tsin ałnáoosid bikáa'jí' hoł ada'askaal, áádóo náánała' nidilt'éego ałdó', Jesus aní' déé' nijiyíłtíigo alts'áqáájí hoł bił ada'askaal. ¹⁹Áko Páílat kót'éego yee ak'e'ashchíigo

tsin alnáoszid yaq̄ah dah yiztá; Jesus Názarethdóó, Jew dine' é Aláahgo biNanit'a' í, níigo bikáá'. ²⁰ Áko éi bee ak'e' ashchínígíí Jew dine' é la' í dayíilta', háálá Jesus tsin alnáoszid bikáa' j̄i' hoł o'oolkaalídóó kin haal' áaj̄i' t' áá áyídí, áko éi Híibrew áádóó Látin índa Gríik dine' é bizaad yee ak'eda' ashchí. ²¹ Áko nít' éé' Jew dine' é aláahgo nááda' iilniihii Páilat ádeidíniid, Jew dine' é Aláahgo biNanit'a' í t' áadoo bee ak'ená' ílchíhí, nidi, Díí diné t' áá bí ání, Jew dine' é Aláahgo biNanit'a' í nish̄í, níigo bee ak'e' ílchí. ²² Nidi Páilat ánáádoó' niid, Bee ak'e' shéłchínígíí bini' t' áá éi bee ak'e' ashchí.

²³ Áko siláo danilínígíí tsin alnáoszid yikáa' j̄i' Jesus yil' ada'askaalgo bee hazhdít' éé' nít' é' ígíí siláo dílt' éego altaadeisnii'; ayaadi ha' éé' áldó'. Nidi ayaadi ha' éé' éi doo ahídadiilkad da, éi t' áá bíłatahdéé' yaago t' áá la' bizhi' ee yist' ó,

²⁴ áko áda' ahidoo' niid, Haa' ísha', díí doo nidahidiidóos da, nidi háí bíí' dooleel' biniyé yáá' iilt' e' baa nidiikah. Diyin God bizaad bee ak'e' ashchíj̄igo kónínígíí bohodoolníł' biniyé ákódzaa:

Shi' éé' altaadeis' nii',

índa shi' é' ígíí yiniyé yáá' iilt' e' yaa naaskai.

Áko siláo ákódáat' j̄id.

²⁵ Ákwii tsin alnáoszid yiyaagi Jesus bimá sizí, áádóó t' áá éi bideezhí áldó', Mary éi Klíyofas wolyéii be' asdzáá, índa Mary Mágdaliin áldó'. ²⁶ Áko Jesus hamá j̄iiltsáago, áádóó hóhool' aahii ayóó' ájó' nínígíí hamá yíghahgi sizíj̄igo, hamá ábizhdíniid, Asdzání, jó,

eii niyáázh! ²⁷Áádóó hóhool'aahii ánáábizhdoo'niid, Jó, eii nimá! Éi áádóó íhool'aahii jilíinii t'áá hó haghángóó bił níjít'áázh.

Jesus dadziztsá

(Mt. 27:45-56; Mk. 15:33-41; Lk. 23:44-49)

²⁸Kódzaadóó bik'ijj' há nihoot'áanii altso bíighah azlí'ígíí hoł bééhózingo, Diyin God bizaad bee ak'e'ashchínígíí bohodoolníł biniyé

ázhdíiniid, Dibáá' séłjǰ'. ²⁹Nít'ée' ákwe'é ch'il na'atł'o'ii bitoo' dók'ózhígíí la' sikáá lá, áko tó náyiits'osígíí éi yéedeiz'áago ch'il hísap wolyéhígíí bee hazée'jǰ' dah yída'diiltsih. ³⁰Áko Jesus ch'il na'atł'o'ii bitoo' dók'ózhígíí dzizlǰhgo ázhdíiniid, K'ad lá altso bíighah azlǰ' ni, áádóó yaa adziidzaago hwii' sizíinii ninázhdiní'á.

Jesus booshk'iizh baa o'oolzhiizh

³¹Hasht'ehodi'néeh bijǰǰigo baą, háá'áyǰǰh jǰǰ góne' ats'íis doo la' t'áá tsin ałnáoszid yaąh dah hidíłtǰǰ da doo biniyé Jew dine'é éi tsin ałnáoszid yaąh dah hidíjé'ígíí yijáád deidiyootihgo

nahgóó ádeidoolíł biniyé Páilat nídayooskan (háálá éi háá'áyǰǰh jǰǰ alehígíí ayóogo dílzinií át'é). ³²Áko siláo yíkaigo t'áá hoł bił o'oolkaalii átséhígíí bijáád dayiizti', la'ígíí áldó', ³³nidi Jesus baa jíkai, nít'ée' t'áá ídǰǰ' daaztsáą lágo hoł béédahoozin, áko t'áadoo bijáád dadziizti' da. ³⁴Nidi siláo la' tsiidétáán hooshk'iizh góne' yaa ayíłgeed, t'áá áko áádéé' díł tó bił háána'.

³⁵Áko éi bináál baa o'oolzhiizhii yiyiiltsánígíí yaa hoolne', áko yaa hoolne'ígíí éi t'áa aaníí, índa t'áa aaníígóó halne'go bił bééhózin. Nihí áldó' deidoohdlaął biniyé yaa halne'. ³⁶Bits'in doo ła' k'i'dooltoqł da, niigo Diyin God bizaad bee ak'e'ashchínígíí bohodoolniíl biniyé díí t'áa altso ákódzaa. ³⁷Índa náánálahgo áldó' Diyin God bizaad bee ak'e'ashchíinii ánáadí'ní, Baa ada'jishiizhígíí dazhní'íi doo.

Jesus yóó'áho'diilyaa

(Mt. 27:57-61; Mk. 15:42-47; Lk. 23:50-56)

³⁸Kódzaadóó bik'iji' Arimathíya hoolyéédéé' Jóseph éi Jew dine'é béédzildzidgo t'áa nant'inee Jesus yídahool'aahii jíí. Éi, Jesus bits'íis nahgóó adeeshtéél, jiníigo Páilat bijíikeed, áko Páilat ha'di'ní'á. Ákwii jiníyáago Jesus bits'íis dashdiiltí. ³⁹Nít'ée' Nikodíímas áldó' ákwii níyá, éi átséédaą' t'ée'go Jesus baazhníyáhígíí

éi spáis wolyéii líkání halchinii mir áádóó álooz wolyéhígíí altaanásdziidgo neeznádiindi daats'í dah adiidlohgo jiníyí. ⁴⁰Éi nizhdilt'éego Jesus bits'íis dashdiiltíigo, Jew dine'é yóó'ada'al'inígi át'éego líkání halchinii spáis wolyéii baąh ájiilaa áádóó na'at'áhi lígáii dits'idígíí bił dzizdis. ⁴¹Áko tsin alnáoszid bikáa'ji' hoł o'oolkaalígi t'áa éi nahós'a'gi tsin bił dah náháltso, áko ákwe'é ániidígo tsení'ootséełgo ts'idá t'ah doo áají' diné ła' yóó'álnéeh da. ⁴²Áko Jew dine'é bihasht'ehodi'néeh bijínígíí áádóó tsení'ootséeł t'áa áyídígo áldó' biniinaa ákóne' Jesus yóó'ájiilaa.

JOHN 20

Jesus daaztsáádeé' náadiidzá

(Mt. 28:1-8; Mk. 16:1-8; Lk. 24:1-12)

¹Áádóo Damjigo abínigo t'ah chahalheelgo, Mary Mágdaliin tsení'ootséeelgi jiníyáá nít'ée' tsé dáadeelmááz nít'e'ígíí nahjji' eelmáazgo jiiłtsá. ²Áko dashdiilwodgo, Sáiman Peter áádóo ła' ihool'aahii, Jesus ayóó'ábó'nínigíí, baa jilwodgo ábizhdíniid, Tsení'ootséełdóo Bóhólníihii nihits'áá' yóó'adeistjji lá, áko nideistjji doo nihł béeedahózin da. ³T'áá áko Peter áádóo ła' ihool'aahígíí kintahdeé' bił ch'í'ahizhneelcháá'go, tsení'ootséełgóo bił dah ahizhdíníilcháá'. ⁴T'áá ájiláh ákóó ahizhneelcháá', nidi ła' ihool'aahígíí Peter yaa diilwodgo tsení'ootséełdi áłtsé yilwod, ⁵áko yaa ádzaago ákóne'é déez'jji', nít'ée' na'at'áhi ligaii dits'idígíí t'ei ákóne'é sinilgo yiyiłtsá, nidi t'áadoo yah íiyáa da. ⁶Áádóo Sáiman Peter akéedeé' yilwodgo, tsení'ootséeł góne' yah íiyá, áádóo ákwii na'at'áhi ligaii dits'idígíí t'eiya sinilgo yiyiłtsá, ⁷inda bee ádí'oodí, hatsiits'iin bik'ídeesdiz nít'e'ígíí, éi doo na'at'áhi ligaii dits'idígíí sinilígíí bił sinil da, nidi t'áá sahdii yisdisgo siłtsooz. ⁸Áádóo ła' ihool'aahii átsé tsení'ootséełdi yilwodígíí áłdó' ákóne' yah íiyá, áko yiyiłtsáago oosdlaad, ⁹háálá dadziztsáádeé' náázhdidoodáałgo Diyin God bizaad bee ak'e'ashchjigo yaa halne'ígíí t'ah doo yik'ida'diitjih da. ¹⁰Áádóo ihool'aahii bighangóo anáát'áázh.

Jesus éi Mary Mágdaliin yich'ji' yit'ini í'diilyaa

(Mt. 28:9,10; Mk. 16:9-11)

¹¹Nidi tsení'ootséel bich'édáq'gi Mary jichago dzizí, t'áá jichago yaa ádziidzaago tsení'ootséel góne' jidée'jii', ¹²áko diyingo naal'a'í naaki ligaigo hadít'ée léi', Jesus bits'íis sitíi nít'é'ígi sikéego jiiłtsá, ła' dzinées'áq' nít'é'ígi sidá, ła' dzidées'eez nít'é'ígi. ¹³Áko éi áhodíniid, Asdzání, ha'át'iisha' baa nicha? Nít'ée' ábizhdíniid, Jó, shiBóhólníihii shits'áq' yóó'adeistíi lá, áko nideistíi doo shił bééhózin da. ¹⁴Kót'éego hadzoodzí'go t'áq'jii' níjiiyá, nít'ée' Jesus sizíigo jiiłtsá, nidi Jesus át'íigo t'áadoo bééhodzoosíid da. ¹⁵Jesus áhodíniid, Asdzání, ha'át'iisha' baa nicha? Háisha' hanítá? Mary jinoot'áa'go ákwe'é haz'ánigíi yaa áhályáanii át'í jinízingo ábizhdíniid, Kwá'ásini, yóó'ahwíniłtíi ládáq' nihwíniłtíi bee shił hólne', áko t'áá shi dahodideeshtéel. ¹⁶Nít'ée' Jesus áhodíniid, Mary. Áko níjiiyáago Híibrew k'ehjigo ábizhdíniid, Rabónai! Éi Na'nitini jiníigo óolyé. ¹⁷Jesus áhodíniid, T'áadoo shínił'í, háála t'ah doo shiTaa' bich'í' nídiłshdáah da, nidi níłáah, shik'isóó bich'í' dínáahgo, ShiTaa', t'áá éi nihí'aldó' nihiTaa' bich'í' nihéénisdzá, shiDiyin, t'áá éi nihí'aldó' nihidiyin bich'í' nihéénisdzá, shá bididíniil. ¹⁸Áádóó Mary Mágdaliin éi ídahool'aahii bich'í' jilwodgo ábizhdíniid, Bóhólníihii néiłtsá. Áádóó yee hach'í' hahaaszí'ígíi baa hojoolne'.

Jesus bídahool'aahii yich'í' yit'ini í'diilyaa

(Mt. 28:16-20; Mk. 16:14-18; Lk. 24:36-49)

¹⁹T'áá éi bijí'í'í'áqo, Damíigo, ídahool'aahii éi Jew dine'é yéedaaldzidgo biniinaa naháaztáni góne' ádá da'deeskaal, nít'ée' Jesus baa honíle'go biní'gi yiizi'go ábidíniid, Nihíł dahózhóq le'. ²⁰Kózhdíniidgo, hála'

índa hooshk'iizh há deinéél'íí'. Áko ídahool'aahii Bóhólníihii dayiiltsáago bił dahózhqođ. ²¹Nít'ée' Jesus ánááhodoo'niid, Nihil dahózhqo le'. T'áa shiTaa' shinił'a'igi át'éego, shí aldó' danihideesh'aal. ²²Áko díi yee haadzii'go hayołgo áhodíiniid, Nılch'i Diyinii nihee dahóle'. ²³T'áa háiida bibaąhági át'ėii bá yóo'anidahidoh'aahígíi, éi bá yóo'anidahideest'á, índa t'áa háiida bibaąhági át'ėii doo bá yóo'anidahidoh'aahígíi, éi doo bá yóo'anidahideest'ąą da.

Jesus áádóo Thomas

²⁴Nidi Thomas, naakits'áadahígíi ła', Naakií hodi'nínígíi, Jesus níyáago doo ajítah da. ²⁵Áko ła' ídahool'aahígíi ádahodíiniid, Nihil Bóhólníihii daniil'íí'. Nidi ájini, Hálátł'áah góne' bił o'oolkaal nít'ė'ígíi doo néel'íí'góo, áádóo hoł o'oolkaal nít'ė'í góne' shíla' doo íitsigóo índa hooshk'iizh góne' doo adeeshnii'góo, shí doo iideeshdlaą da.

²⁶Áádóo tseebiiskáago hódahool'aahii kin góne' ninááháaztá, áko Thomas aldó' ákwe'ė ajítah. T'áa ákót'éego áda náada'deeskaal, nidi Jesus haa honíle'go hanii'gi yiizi'go áhodíiniid, Nihil dahózhqo le'.

²⁷Thomas áyidíiniid, Kwe'ė shíla' bidinılchíidgo níníł'í, áádóo k'ídılchíidgo shooshk'iizh góne' adílníh, áko t'áadoo doo iinídláni, nidi iinídlá. ²⁸Thomas éi Jesus áyidíiniid, ShiBóhólníihii áádóo shiDiyin God! ²⁹Nít'ée' Jesus ánáábidoo'niid, Thomas, shiiniłtsánígíi baą shiisínídláą. Doo dashiiltsėeh da nidi dashoodląągo shaa dadzólíi éi bik'idahojdí.

Díidí biniyé naaltsos bee ak'e'ashchí

³⁰Áádóó náánála' Diyin God bibee adziilii bee béédahózinii t'óó ahayóí Jesus hódahool'aahii bináát t'áá aaníí baa nijiyáhígíí éí díí naaltsos doo bik'inídaháasdzo da, ³¹nidi Jesus éí Christ, Diyin God biYe' nilíígo deidoohdlaąłígíí biniyé díidíígíí bik'inídaháasdzo, áko éí deinohdląągo baa dadzínóhłígigo bízhi' biniit'aa iiná nihee dahólóo dooleet.

JOHN 21

Jesus éí bídahool'aahii tsosts'idgo yich'í' yit'íní í'diilyaa

¹Kódzaadóo bik'íjį' Taibiiriyas be'ek'id bibaąągi Jesus éí hódahool'aahii bich'í' yit'íní ánáázh'diilyaa; kót'éego bich'í' yit'íní ízh'diilyaa. ²Ákwii Sáíman Peter, áádóó Thomas, éí Naakií hodi'nínígíí, áádóó Natháneiyel éí Kéínadéé' naagháhígíí, éí kéyah Gálilii biyi'dóo, áádóó Zébedii biye' nidilt'éego, índa ła' Jesus bíhool'aahii nidilt'éego bił ahíjįkai. ³Nít'ée' Sáíman Peter áhodíiniid, Łóó' hahideestsosgóo déyá. Nít'ée', Nihí alđó' ákqó nił diikah, dahodíiniid. Áko ch'íjįkaigo tsinaa'eel biih jookai, nidi éí bitł'ée' t'áadoo lóó' ła' hadadzistsooz da.

⁴Nít'ée' hayíłkąągo tábaąągi Jesus sizíjįgo dajiiltsá, nidi ídahool'aahii Jesus át'íjįgo t'áadoo yeédahoosíid da.

⁵Áko Jesus áhodíiniid, Sha'álchíni, lóó'ósh nihee dahóló? Nít'ée', Ádin, dabizhdíiniid. ⁶Áko áhodíiniid, Tsinaa'eel binish'náájigo lóó' bee hahaltsósí taah daaltsóosgo la' bee hadadootsos. Áko taah dadzistsooz, nít'ée' lóó' t'óó ahayóigo

biniinaa ch'ée'h hadadziltsóos. ⁷Áko íhool'aahii Jesus ayóó'ábó'nínigí Peter áyidíiniid, Bóhólníihii át'íí lá! Sáíman Peter éi Bóhólníihii át'íigo yidiizts'áá'go, bi'ée' yee ákászas, háálá deji' bi'ée' t'áágéedgo naalnish nít'ée', áádóó táyi' góne' dah diilwod. ⁸Nidi la' ídahool'aahii lóó' bee hahaltsósí yee lóó' dayíshoodgo tsinaa'eel yázhi bíl ní'éél, háálá tábaahjí' t'áá áyídí, ach'oozhlaa'dóó ála' bílátahjí' áníitsoígí' éi naakidi neeznádiindi ahááhdí'á ánízah.

⁹Táts'ájikaigo, ákóq tsíid kó'go dajiiłtsá, tsíikáa'gi lóó' sinilgo áádóó lahjí lees'áan sinil. ¹⁰Áko Jesus áhodíiniid, Lóó' hadasooltsoozígí la' nidoohjááh. ¹¹Áko Sáíman Peter tsinaa'eel yíih yíyáago lóó' bee hahaltsósí, lóó' bíi' hadeezbingo táłts'éiníshóód, nít'ée' lóó' dantsxaazígí neeznádiindóó ba'aan ashdladiindóó ba'aan táá' lá. Azhá t'óó ahayóí lá nidi, lóó' bee hahaltsósí t'áadoo neheezdláad da lá. ¹²Jesus áhodíiniid, Hágo, da'ohsá. Áko hódahool'aahii t'áadoosti'ee, Háí lá ání't'í? t'áadoo dahodíiniidí da, háálá Bóhólníihii át'íigo bíl béedahózin. ¹³Áádóó Jesus dah diiyáago lees'áan néidiinilgo hataiznii', índa lóó' áldó'. ¹⁴Dadziztsáádeq' náázdiidzáádóó bik'íji' díi bíl k'ad táadi hódahool'aahii bich'í' yit'íni ánízh'diilyaa.

Jesus áádóó Peter

¹⁵Da'jiiyaa' go Jesus, éi Sáiman Peter áyidíiniid, Sáiman, John biye' nílinii, da' díidígíish biláahgo ayóó'áshíini' ní? Áko, Aoo', Bóhólníihii; ayóó'ánósh' níigo nił bééhózin, bizhdíiniid. Áádóó ánááhodoo'niid, Shidibé yázhí ba'ítso'. ¹⁶Naakidi aleeh góne' ánááhodoo'niid, Sáiman, John biye' nílinii, da' ayóósh'áshíini' ní? Áko ánáábizhdi' ní, Aoo', Bóhólníihii; ayóó'ánósh' níigo nił bééhózin. Áádóó ánááhodoo'niid, Shidibé baa áhólyá. ¹⁷Táadi azlíí' góne' ánááhodoo'niid, Sáiman, John biye' nílinii, da' ayóósh'áshíini' ní? Táadi Peter, Da' ayóósh'áshíini' ní? ho'doo'niidígíi biniinaa yíni biih níjítłizh. Áko ábizhdíiniid, Bóhólníihii, t'áá altsoni' nił bééhózin; ayóó'ánósh' níigo nił bééhózin. Jesus ánááhodoo'niid, Shidibé ba'ítso'. ¹⁸T'áá aaníi, t'áá aanígóó ándishní, Ániid naniná yéędąą' áká nánłzizgo t'áá ni nínizingóó nanináa nít'ée', nidi hasnítłhgo alts'ąajj' k'ídidiłchil, áko ła'da áká nidoosisgo doo deesháał da nínizin yéęgóó nidooltéel. ¹⁹Díi kót'éego dazdootsaalígíi bee Diyin God baa hozhdoonih biniyé yee hach'ł' haadzíi'. Áádóó kóhodíiniid, Shikée' yináál.

Íhool'aahii ayóó'óó'niinii

²⁰Áko Peter nídzyiz, nít'ée' íhool'aahii Jesus ayóó'ábó'nínígíi hakée' yigáalgo jiiłtsá, éi da'jiiyaa' nít'é'igi Jesus biyid binahjł' dzizłłigo,

Bóhólníihii, háishą' ninándidoo'áál? bizhdíiniidii.

²¹Áko Peter éi yiyiłtsąągo Jesus áyidíiniid, Bóhólníihii, díi diné éi hait'ée doo? ²²Jesus áhodíiniid, Náánisdząajj' háni'dii shiba' nijighá hwíinísh' níigo, éi daashą' díiłł! Ni éi shikée' yináál! ²³Áko éi íhojiił'aahii doo

dazdootsaal da ha'nínígíí alk'isóó bitahgóó
adahideezdláád, nidi Jesus, Éí doo dazdootsaal da, doo
dííniid da nidi, Náánísdzáajj' hání'dii shiba' nijighá
hwíínish'níigo, éí daasha' dííííí? dííniid.

²⁴Díí ihool'aahii haa hwiinit'ínígíí hoł bééhózingo baa
hojilne', áádóó t'áá hó diidígíí bee ak'e'jishchí, áko
baa hojilne'ígíí éí t'áá aaníigo nihil béédahózin.

²⁵Nidi Jesus yaa naayáii náánála' t'óó ahayóí aldó' yaa
naayá; éí t'áá altso bee ak'e'ashchíjigo naaltsoos t'óó
ahayóí dooleet, nahasdzáán nidi bikáa'gi doo bá haz'ąą
da doo sha'shin nisin.

PREVIEW ONLY

PREVIEW ONLY



Wings of Faith Ministries
PO Box 524
Tustin, CA 92781-0524

Ph: 866.532.5649

flywithwings.org